




廣羣輔錄壹部

計壹



序

讀史者貴識其治亂興衰
之概而論人者則辯之於
賢否得失之林余每讀史
日盡一卷凡世運升降制



度因革了了在目其間聖
君賢相英雄之創興人材
之遇合與夫庸流濫進姦
佞蠹國讀之一喜而一歎
笑則風生怒則髮指者往

往而是也顧以視當世學
者知此意則鮮矣徐生武
令爲吾友世臣子善讀史
吾每揖之于庭而坐論往
事其所指次余爲歎服嘗

讀陶淵明羣輔錄意中臧
否有不能自止者於是取
晉宋以下日補所未足久
之成帙書凡四卷合淵明
前書得六卷間以眎余余

覽而嘉之秋風瑟瑟樹葉
微動醪酒在尊白鶴長鳴
手披羣輔一書前史中治
亂得失隱隱欲動矣

康熙九年歲次庚戌七夕

前一日同學關鍵蕉

鹿氏拜題



序

嶺西世弟余雲祚善將拜撰

慨自古學榛蕪文風日漸空疎如江

河之流而不可反者蓋數十年于茲

矣西陵武令徐君為端州司理吳錦

雯夫子之快壻起而救其流失爰有

十三經源二十一史徵諸書之梓次第問世俾天下好古之士洞然如日中天雖涑水之資治通鑑廬陵紫陽之五代史綱目曷以加焉近者攷緝遺文因衰激拯復取晉陶淵明先生羣輔錄蒐而廣之補所未備上自盤

古三皇下逮秦漢魏晉唐宋元明無不悉裒總計三萬四千餘年其間可愛可喜可怪可愕可矜可弔可泣可悼之輩層見叠出編而紀之令觀者一展卷而三萬四千餘年之僉壬吉士賢良奸諛瞭然在目此豈易得者

哉昔尼山作春秋二百四十二年或
美而書爵或貶而書人遂足以禡千
古亂賊之膽今徐君一書雖因舊史
所紀沿而輯之而義實存乎勸戒則
此一錄也亦庶使後有君子知所則
效鑒懲以竊願附于麟經之末云

序

同郡陳廷會際叔氏題

及門徐子武令以鴻博之才長于綜辨其所撰著若
詩賦有韻之學考覈精詳能已見于天下矣近復取
淵明陶令羣輔一錄而廣之自秦漢以來補其間遺
自東晉以後增其未逮箋釋爛然使成學治史書者
得覽觀焉猗歟可謂盛矣余嘗謂淵明此本如三國
之有志武令之箋釋則裴松之之註也淵明原錄如
臨川之有世說武令之增補則何氏之語林也有功

彭澤豈顧問哉乃或有疑宋王氏伯厚作小學紺珠亦嘗廣錄羣輔矣武令茲編不爲贅歟不知伯厚之于羣輔特紺珠中一節耳又無註釋詳其源流非若武令之考據班班自成一集也是惡得以紺珠廢茲錄哉武令年財壯室著作繁多經史之編次第商訂行且攀雄追向鬱然高儒者之林矣虬龍片甲又奚足云

序

昔陶元亮集羣輔錄自序云書籍所載故老所傳善惡聞于世者盡于此後千三百年而武林徐武令有廣羣輔錄之編蓋徧考史傳有陶公之所遺者則補之自陶之後劉宋以來下至近代則續之陶錄自四凶之外大抵皆良士後世則不肖者日多矣班氏古今人表分列九等以昭勸戒意非不善而盡人皆載則續襍而難稽差等旣多則高下或失當茲錄止載名號標榜著聞于世者便于觀覽惟記姓名不疏賢

否使讀史者考其人而自得之忠邪淑慝自不容遁
而又無臧否人物之嫌余雖未覩其書之全而知其
書必可傳也武令博極羣書貫穿古今茲錄蒐羅該
備亦已見其一斑于其索序也不辭而爲之書

崑山同學弟歸莊題

序

同里愚友伯陸圻拜撰

昔陶淵明羣輔錄傳已千百餘年功在學者後宋王
應麟又有小學紺珠補所未逮然止懸姓氏而已不
詳其爲何人譬諸郭公夏五祇標闕文周禮考工唯
載官制適資童子記數之學而非通人稽古之書也
今武令手輯百氏續曩哲之未全廣前人之弗及參
攷行事淹貫古今得失賢愚于斯盡見豈可漫視哉

夫柴桑原本八愷四凶居然共列是猶李耳與韓吃
並傳其屬意誠深遠爾故武令卷中合採兼收以垂
鑒戒昔國風不廢淫詩史傳亦標酷吏是書近之已
武令爲吾友世臣之子日讀一寸書其所撰述卓然
成家而少有餘閒筆不停輟曹子桓不云乎此子爲
不朽矣比之偉長寧有讓歟

序

夫綜核載籍條貫羣書發稽古之弘情益前修所未
備此古今之所共賞而大雅之所艱難也是以著作
之林代不乏人汗牛馬充棟宇虛張詭異誇闢多靡
錄閨闈之小名羅彈射之細事陋而不典穠而不經
咸無得而稱焉徐子武令名儒令子閒世異才早奉
鯉庭之訓夙標鳳舉之名涉覽藝林博遊淵海各山
之所秘藏通都之所流布風雅之所會歸記註之所
旁及靡不總制清衷遶爲心極方之于古號曰通人
其在斯乎其在斯乎于是好學深思進退往昔謂元

亮遺書尚有未備是用廣之合爲六卷肇自皇初迄于朋季考之史乘雜以風謠故老尚有傳聞稗野亦多稱述芻羅廣覽博取兼綜勒成一家凌軼百氏淵明有作不易斯編將所謂元常老骨更蒙榮造子敬懦肌不沉泉夜同年而語夫豈誣哉所以古人著書必期傳致百世以下吾人誦讀亦將尚友千載以上良有以也雖然陶潛以亡晉處士結社廬山放馬歸老菴花流水託興避秦武令尊人以宿學鉅儒逃禪自隱作述明志溪流賦誦等于閒情推斯志也武令將不特爲彭澤之功臣抑且爲雲溪之肖子矣是爲

序

康熙庚戌冬仲海昌眷同學弟楊中訥頓首撰

序

晉陶元亮有羣輔錄一卷上自燧人伏羲下至河東
太原舉舊史所艷稱與故老所共識者取其聲望同
時名寔並副者得若干人而今武林徐子汾字武令
復冥搜其未備并約略晉宋以後至元明時亦得若
千人而元亮之書始全是豈併口耳之記誦綜時代
之考索也哉天之生才比肩接踵魚鱗雜遝鸞舉雲
會指不勝屈乃其前顏後顏左軒右輕功名炳于一
朝節概著于異代所謂四佐七輔五臣九官嗚呼豈
不盛哉德不期遇才不應時於是或地望相近而名

並馬或官階相合而名並焉或歌嘯相期而名並焉亦或遷謫之相似晦跡之相擬而名並焉要其才子名家魁人傑士三代以前尚矣覽是書者止記姓名而追憶其事未有不骨騰肉飛如奮臂出其間者也雖然師友元凱之名非身及見之也必後之歎羨者追錄之耳故其時忘名而名歸之東漢激昂標榜與馬君厨顧及之流高自樹位此倡彼和陽予陰奪蓋其所取未必卽賢所出未必卽不肖名近于爭矣名近于爭非所謂名也而附和口食之徒竊竊然思樹牙頰襲馨歛于諸子之間沾沾然自謂已足寒暑著

人侵肌削骨甚矣爭名之禍人也不異于利矣魏文帝以籠蓋之才吸集羣彥陳思楚楚雅善詞賦於是

有七子之目然才如文舉年代出于儕輩或曰在七子列或曰文舉不與焉若乃繁欽楊修吳質二丁之倫何邊遜偉長仲宣輩乎而南皮之名不與奚足爲輕重哉自是以後騷壇詞社相傾相軋有明盛時何李邊徐之屬芟薙異已遂成士習之陋弁州兄弟奉于鱗而事之曰五子曰七子曰廣五子曰後五子紛紜更置君子毒弗道而趨者若市識者是以十國運之興替焉况其後之人祖其故步者哉由斯以觀三

身月三
代以前忘名而入歸之三代以後趨名而相爭迨其
衰也爭名而名或失之矣嗚呼此亦人心風俗沿革
之大端也元亮棲志枯槁澹然遺世其于羣輔錄可
謂簡質矣而終之以三墨八儒其亦有整齊儒墨是
非之意乎武令爲吾友世臣子世臣雄長文壇垂三
十年晚乃縛禪律于荒村僻地之中忘名之君子也
武令胚胎家教有聲庠序其著書日數百言乃復采
元亮之緒言而爲廣羣輔錄別其源流理其顯晦其
於名也亦元亮先生整齊儒墨是非之意也不然宋
王伯厚著小學紺珠載元亮之未及已足以傳矣武

令時有異同又多乎哉吳農祥慶百序

序

秦望山人沈蘭先謨

古今之能爲傳人者其始末有不卓然以傳人自異者也然亦或幸而傳有不幸而不傳卽傳矣自後之人論之或又不如不傳者之爲愈則其人之得失斷焉雖曰遺芬流穢存乎自擇而論世者感慨繫之矣傳有五或以文傳或以功傳或以德業伎藝傳抑或有所附麗以傳而傳之微與顯廣與陋則又視乎傳之之人陶元亮爲羣輔錄非有意乎傳人也取其已

傳者而登識之賢與否互列焉於是乎以其書傳觀其書可以引慕可以昭鑒可以寄意可以掄材數美兼盡古人有言誅奸諛于既死發潛德之幽光其元亮之謂乎今武令之志亦猶夫元亮之志也元亮之所未足者補之元亮之後爲庚而續之有文字來幾千年人材高下盡之于一卷烏虜備矣抑宋王伯厚爲小學紺珠事與人交誌余讀而愛之顧謂其畝以人誌者之有所寄慨也樂得而敘之以傳俾論世者有所取衷焉

序

搜神羣輔並藝苑之鴻文也家姪武令博聞強記分茂先十乘之藏有大春五經之目以其餘閒爲廣羣輔一集遂使潯陽衣履別挺英蕤彭澤琴書更傳音響武令始爲成童便能作賦貫穿百代兼總諸家儲清廟之謀猷琢圭璋之令器更復著書成

一家言俾垂不朽入林羣彥不媿阮咸余
年四十索米長安徒比癡叔憶嗣宗之清
狂不禁爲之神逞矣

康熙九年夏四月叔旭齡題于燕臺官署

廣羣輔錄序

嘗讀陶淵明歸去來辭暨園田飲酒諸詩澹穆冲融
若於國家治亂人才賢否漠然不關心者乃羣輔錄
一編將數千百年間治亂賢否並列互形大有孔子
春秋竊取之義似非抗情世外者所爲蓋淵明故晉
世家子其於古今得失之數從少壯讀書時辨之久
矣雖假五斗折腰歸隱柴桑必輯羣輔錄懸一大案
於天壤以待後人之論斷昭鑒戒於無窮所謂山林
經濟翰墨勲名莫大乎是余自滇歸杜門侍母案頭
日置淵明書心竊嚮往之菽水之暇手錄讀史撮要

一編自分才識謏陋未敢懸諸國門庚戌秋客西陵武令廣羣輔錄適告成出示余余受而卒業見其仍淵明原本前增後續深得述作體其間或詳或略或一姓而特標或一人而再見引證確箋疏明誠史學驪珠而余之撮要殊媿小巫矣獨是武令幼負異姿長益好學禮樂兵農象緯曆律靡不精研淹洽使出而用世其經濟勲名當必有實見諸行事者乃十年鍵戶箠以著作自鳴殆將蓄其材而大用之乎是所望於世之憐才者矣

義興兄嗜鳳竹逸氏拜撰

廣羣輔錄總目

卷一

上古

三代

春秋

戰國

秦

漢

卷二

漢

魏

晉

卷三

上古

周秦

漢

三國

晉

宋附魏 齊東魏 梁北齊 陳後梁

隋

卷四

唐 五季

卷五

宋 遼 金 元

卷六

明

右編前一卷本陶氏之原書後四卷為徐生之新著存其舊名明非私創額之曰廣補所未及也

廣羣輔錄卷之一

晉人陶潛元亮者

後學徐汾武令補

明由曉升級宋均曰級等差必育受稅俗宋均曰受賦稅及徭

役所立宋均曰古諸成博受古諸宋均曰古諸隕丘一作受延嬉

宋均曰延長嬉典也主受此錄也

右燧人四佐燧人出天四佐出洛宋均曰出天所生

也出洛地所生也

金提一作主化俗宋均曰為民鳥明主建福宋均曰

也視默主災惡宋均曰為民紀通為中職宋均曰為田主主內

職也 仲起為海陸 宋均曰主平 陽侯為江海 宋均曰主

本作 江湖

右伏羲六佐六佐出世 宋均曰宓戲不及燧人故增二佐出世人

所生也

風后受金法 宋均曰金法言能決理是非也 天老受天籙 宋均曰籙天敎命也

五聖受道級 宋均曰級次序也 知命受糾俗 宋均曰糾正也 窺紀

受變復 宋均曰有禍變能補復也 地典受州絡 宋均曰絡維絡也 力墨受

準斥 宋均曰準斥凡事也力墨或作力牧

右黃帝七輔州選舉翼佐帝德自燧人四佐

至七輔見論語摘輔象

重 詠 脩 熙

右少昊四叔實能金木及水使重為勾芒詠

為蓐收脩及熙為玄冥世不失職遂濟窮桑

見左傳蔡墨辭

羲仲 羲叔 和仲 和叔

右羲和四子孔安國云即堯之四岳分掌四

岳諸侯鄭玄云堯既分陰陽為四時命羲仲

和仲羲叔和叔等為之官又主方岳之事是

為四岳見鄭尚書注

伯夷為陽伯 樂舞侏離 羲仲之後為羲伯 樂舞瞽

歌曰招陽 哉歌曰

南陽 棄為夏伯 樂舞武漫哉歌曰 祈慮一無武字 義叔之後為義

伯 樂舞將陽 歌曰朱華 咎繇為秋伯 樂舞蔡淑 歌曰零落 和仲之後

為和伯 樂舞未詳 歌曰歸來 垂為冬伯 樂舞丹鳳 歌曰齊樂 一日縵

右八伯自義和死後分置八伯舜既即位元

祀巡狩每至其方各貢兩伯之樂大傳冬伯

後闕一人鄭玄云此上下有脫辭其說未聞

十有五祀後又百工相和而歌慶雲八伯稽

首而進者也見尚書大傳

謹兜 共工 鯀 三苗

右四凶見虞書舜流共工于幽州放驩兜于

崇山竄三苗于三危殛鯀于羽山

蒼舒 隕斨 檮戣 大臨 龍降 庭堅

仲容 叔達

右高陽氏才子八人齊聖廣淵明允篤誠天

下之民謂之八凱

伯奮 仲堪 叔獻 季仲 伯虎 仲熊

叔豹 季狸

右高辛氏才子八人忠肅恭懿宣慈惠和天

下之民謂之八元從四凶至此悉見左傳季

文子辭

禹作司空 棄作稷 契作司徒

咎繇作士 益作朕虞 垂作共工

伯夷作秩宗 龍作納言 夔作典樂

右九官舜登帝位所選命見尚書

雄陶 方回 續牙 伯陽 東不訾 或云不識

秦不虛 或云不空 靈甫

右舜七友並為歷山雷澤之游戰國策顏斮

云堯有九佐舜有七友而尸子只載雄陶等

六人不載靈甫皇甫士安作逸士傳云視其

友則雄陶方回續牙伯陽東不訾秦不空靈

甫之徒是為七子與戰國策相應

禹 稷 契 皋陶 益

右舜五臣見論語已列九官中

禹 稷 契 皋陶 伯夷 垂 益 夔

右八師見楚辭七諫

伯夷 禹 稷

右三后伯夷降典制民惟刑禹平水土主名

山川稷降播種農殖嘉穀三后成功惟殷于

民漢太尉楊賜曰昔三后成功皋陶不與焉

蓋吝之也見尚書甫刑後漢書

微子 箕子 比干

右殷三仁論語曰微子去之箕子為之奴比干諫而死孔子曰殷有三仁焉

伯夷 太公

右二老尚書大傳曰太公避紂居東海之濱皆率其黨曰盍歸乎吾聞西伯昌善養老此二人者天下之大老也往而歸之是天下之父歸之也天下之父歸之其子曷往孔融曰西伯以二老開王業

閔天 太公望 南宮适 散宜生

右文王四友尚書大傳云閔天南宮适散宜生三子學于太公望望曰嗟乎西伯賢君也四子遂見西伯於羗里孔子曰文王有四臣丘亦得四友此四人則文王四鄰也

伯達 伯适 仲突 仲忽 叔夜 叔夏

季隨 季騮

右周八士見論語賈逵以為文王時鄭玄以為成王時也

伯益考 武王發 管仲鮮 周公旦

蔡叔度 曹叔振鐸 霍叔武 邠叔處

康叔封

肅季載

一本無康叔處有毛叔圉

右太姒十子太史公曰太姒十子周以宗強

見史記

周公旦

邵公奭

太公望

畢公

毛公

閔公

太顛

南宮适

散宜生

文母

太姒也

右十亂見論語其四人已列四友

秦公牙

吳班

孫尤

夫人冉贊

公子麋

右五王金能相馬尸子曰古有五王之相廼

謂之王其貴之也

狐偃

趙衰

顛頡

魏武子

司空季子

右晉文公從亡五人叔向曰三十七年有士

五人見左傳及晉太尉劉琨詩曰重耳憑五

臣

奄息

仲行

鍼虎

右三良子車氏之子秦穆公沒要以從死詩

人悼之為賦黃鳥見左傳毛詩

子展賦草蟲

子罕

子西賦黍苗

子駟

子產賦隰

桑子

子國公孫段賦桑扈

子豐

伯有賦鶉之賁賁

子良孫 子太叔賦野有蔓草 子游孫 印段賦蟋

子耳子 子印孫 子張子

右鄭七穆謂之七子鄭穆公子十有一人罕

駟豐印遊國良七人子孫並有才名世任鄭

國之政以免晉楚之難謂之七穆叔向日鄭

七穆氏其后亡乎及諸侯為宋之盟鄭伯享

趙武于垂隴七卿皆從文子曰七卿從君以

寵武也請皆賦以卒君貺亦以觀七子之志

見左傳又吳質書云趙武過鄭七子賦詩

仲孫穀文伯 獻子莊子孝伯 叔孫得臣莊叔 穆子

子懿子武伯 昭子

成子武 季孫行父文子 武子悼子平

子文子 子桓子康子

右魯桓公之曾孫世秉魯政號曰三桓孔子

曰三桓之子孫微矣見論語左傳

趙無恤襄子 趙衰始為卿 范吉射昭子 士會始為

至無恤四世 荀寅文子 荀林父始

智瑤襄子 荀首始為卿 荀寅文子 為卿至寅

魏多襄子 魏絳始為卿 韓不信簡子 韓厥始

至多四世 韓不信簡子 為卿至

右六族世為晉卿並有功名此六人實弱晉

國淳于越云卒有田常六卿之臣劉向亦曰

田常復見于今六卿必起于漢見左傳史記

漢

儀封人 荷蕢 晨門 楚狂接輿

長沮 桀溺 荷蓀丈人 一作伯夷叔齊虞仲夷逸朱張柳下惠少連

右作者七人論語曰賢者避世其次避地其次避色其次避言孔子曰作者七人見包氏注董威贊詩曰洋洋乎盈耳哉而作者七人

德行 顏淵 閔子騫 冉伯牛

仲弓

言語 宰我 子貢

政事 冉有 季路

文學 子游 子夏

右四科見論語

顏回 子貢 子路 子張

右孔子四友文王有胥附奔奏先後禦侮謂之四鄰孟懿子曰夫子亦有四鄰乎子曰吾有四友焉自吾得回門人益親是非胥附乎自吾得賜遠方之士日至是非奔奏乎自吾得師前有光後有輝是非先後乎自吾得由惡言不至于門是非禦侮乎見孔叢子

顏回 冉仲弓 子路 宰我 子貢 公西華

右六侍仲尼志意不立子路侍儀服不脩公西華侍禮不習子貢侍辭不辯宰我侍亾忽古今顏回侍節小物冉伯牛侍曰吾以夫六子自厲也見尸子

檀子

盼子 黔夫 種子

右齊威王疆場四臣齊威王與魏惠王會田于郊魏王問威王曰王有寶乎威王曰無有魏王曰若寡人國雖小猶有徑寸之珠照前後車各十二乘者十枚奈何爲萬乘之國而無寶乎威王曰寡人之所以爲寶與王異吾

臣有檀子者使守南城則楚人不敢爲寇東取泗上十二諸侯皆來朝吾臣有盼子者使守高唐則魏人不敢東漁于河吾臣有黔夫者使守徐則燕人祭北門趙人祭西門徒而從之者七十餘家吾臣有種首者使備盜賊則道不拾遺以此爲寶將以照千里豈直十二乘哉魏惠王慚不懌而去見史記及春秋後語

齊孟嘗君田文

魏信陵君無忌

趙平原君趙勝

楚春申君黃歇

右戰國四豪見史記
太子少傅留文成侯韓張良
相國鄼文終侯沛蕭何

楚王淮陰侯韓信

右三傑漢高祖曰此三人人之傑也見漢書

園公

姓園名秉字宣明陳留襄邑人常居園中故號園公見陳留志

綺里季 夏

黃公

姓崔名廓字少通齊人隱居脩道號夏黃公見崔氏譜

角里先生

右商山四皓當秦之末俱隱上洛商山皇甫士安云並河內軹人見漢書及皇甫謐高士

傳

太子太傅疎廣字仲翁

宣帝本始四年魏相為御史大薦廣于霍光時年已六十

以元康三年告退年六十七

太子少傅疎受字公子

廣兄子也

右二疎東海人宣帝時並為太子師傳每朝太傅在前少傅在後朝廷以為榮授太子論語孝經各以老疾告退時人謂之二疎見漢書

書

重合令子輿

居宋里

櫟陽令子羽

居東觀里

東海太守子仲

居安唐里

兗州刺史子明

居西南里

潁陽令子良

居遂與里

右郡决曹掾汝南周燕少卿之五子號曰五龍各居一里子孫並以儒素退讓為業天下著姓見周氏譜及汝南先賢傳

龔勝字君賓

龔舍字君倩

或曰長倩

右並楚人皆治清節世號二龔見漢書

唐林字子高

唐尊字伯高

右並沛人亦以潔履著名於成哀之世號為

二唐比楚二龔後皆仕王莽見漢書左思曰

二唐潔已乃黜乃汚

平阿侯王譚

成都侯王商

紅陽侯王章

曲陽侯王根

高平侯王逢時

右並以元后弟同日受封京師號曰五侯並

奢豪富侈招賢下士谷永樓護皆為賓客時

人為之語曰谷子雲之筆札樓君卿之唇舌

言出其門也見漢書張載詩曰富侈擬五侯

北海逢萌字子康

北海徐房字平原

李曇字子雲

平原王遵字君公

右皆懷德穢行不仕亂世相與為友時人號

之四子見後漢書嵇康高士傳

求仲

羊仲

右二人不知何許人皆治車為業挫廉逃名

一作世 蔣元卿之去兗州還杜陵荆棘塞門舍

中有三逕不出惟二人從之游時人謂之二

仲見嵇康高士傳

太傅高密元侯南陽鄧禹字仲華

大司馬廣平忠侯南陽吳漢字子顏

左將軍膠東副侯南陽賈復字君文

建威大將軍好時愍侯扶風耿弇字伯昭

執金吾雍奴威侯上谷寇恂字子翼

征西六將軍陽夏節侯潁川馮異字公孫

征南大將軍舞陽壯侯南陽岑彭字君然

征虜將軍潁陽成侯潁川祭遵字弟孫

太常靈壽侯信都邳彤字偉君

東郡太守東莞成侯鉅鹿耿純字伯山

上谷太守淮陰侯潁川王霸字元伯

左中郎將朗陵愍侯潁川臧宮字君翁

驃騎大將軍櫟陽侯馮翊景丹字孫卿

驃騎大將軍參蘧侯南陽杜茂字諸公

建義大將軍鬲侯南陽朱祐字仲先

驃騎將軍慎靖侯南陽劉隆字元伯

揚武將軍全椒侯南陽馬成字君遷

大司空阜成侯漁陽王梁字君巖

衛尉安城忠侯潁川姚期字次兄

左馮翊安平侯漁陽蓋延字巨卿

捕虜將軍揚虛侯南陽馬武字子張

驍騎將軍昌城侯鉅鹿劉植字伯先

左將軍阿陵侯南陽任光字伯卿

豫章太守中水侯東萊李忠字仲都

左將軍槐里侯扶風萬脩字君游

琅邪太守祝阿侯南陽陳俊字子昭

積弩將軍昆陽威侯潁川傅俊字子衛

揚化將軍合肥侯潁川堅鐔字子伋

右河北二十八將光武所與定天下見後漢

書張衡東京賦云受鉞四七共工以除

武威太守梁統字仲寧


金城太守庫鈞字巨公

張掖太守史苞字叔文

酒泉太守竺曾字巨公

焯煌太守辛彤字大房

右河西五守是時更始已為赤眉所害隗囂



影像重复

密有異志統等五人共推竇融為河西大將軍內撫吏民外禦寇戎東伐隗囂歸心世祖克建功業見後漢書及善文

大鴻臚韋孟達 上黨太守公孫伯達

河陽長魏仲達

右扶風平陵人同時齊名世號三達孟達名

彪丞相賢五世孫明帝時人見漢書及決錄

光祿大夫周舉 光祿大夫杜喬 光祿大夫周栩

尚書樂巴 青州刺史馮羨 兗州刺史郭遵

太尉長史劉班 侍御史張綱

右八使漢順帝時政在權宦官以賄成周舉

等議遣八使循行風俗同日俱發天下號曰

八使見張璠漢紀

平輿令韋順字叔文 歷位樂平相去官以琴書自娛不應三公之命後為平輿令吏

民立祠社中

順弟武陽令豹字季明 友人羅陵犍為縣丞卒官喪柩流離豹棄官致喪歸此辟

公府輒棄去司徒劉愷尤敬之

豹弟廣都長義字季節 少好學不求榮利四十乃仕三為令長皆有惠化以兄喪

去官比辟公府不就廣都為立生祠焉

右清河太守韋文高之三子皆以學行知名

時人號韋氏三君見京兆舊事

楊震字伯起以太常為司徒

震子秉字叔節以太常為太尉

秉子賜字伯獻以光祿勳為公再司徒一太尉

賜子彪字文先以太中大夫為公一司徒一太尉

右楊氏四公弘農華陰人自孝安至獻帝七

世父子以德業相繼為三公見續漢書

袁安字邵公以太僕為司空遷司徒

安子敞字叔平以光祿勳為司空

敞子湯字仲河以太僕為司空遷司徒

湯子逢字周陽以屯騎校尉為司空

逢弟隗字次陽以太常為司空太尉

右袁氏四世五公見續漢書

廣羣輔錄卷之二

處士豫章徐穉字孺子

晉人陶潛元亮著
後學徐汾武令增

京兆韋著字休明

汝南袁閎字夏甫

彭城姜肱字伯淮

潁川李曇字子雲

右太傅汝南陳公時為尚書令與諸尚書悉
名士也共薦此五人時號五處士見續漢書

及善文

周子居

王叔度

艾伯堅

鄧伯向 封武興 盛孔叔

右汝南六孝廉太守李俛選此六人以應歲
 舉受版未行俛死子居等遂駐行喪俛妻于
 柩側下帷見之厲以宐行子居歎曰不有行
 者莫宣公不有止者莫卹居於是與伯堅卽
 日辭行封黃四人畱隨柩車見杜元凱女戒
 大將軍槐里侯扶風平陵竇武字游平
 天下忠誠 竇游平
 太傅高陽鄉侯汝南平輿陳蕃字仲舉
 天下義府 陳仲舉
 侍中河間樂成劉淑字仲承
 天下德弘 劉仲承
 右三君

池此偶後云張儉鄉人宋注
 上書在位上同卿子四人別
 相署號共為節堂則以
 位及禮彬褚鳳張肅薛
 蘭馮禧魏元孫托為八俊
 田林張隱劉表薛都王訪
 劉祇宣靖公諸君為八顧
 朱楷田嬰疎耽薛放定希
 唐詡羸造宣褒為八及
 中同惟張佐劉表同信皆
 異名字

少傅潁川襄城李膺字元禮
 天下模楷 李元禮
 司空山陽高平王暢字叔茂
 天下英秀 王叔茂
 太僕潁川陽城杜密字周甫
 天下良輔 杜周甫
 司隸校尉沛國朱寓字季陵
 天下水凌 朱季陵
 尚書會稽上虞魏朗字少英
 天下忠貞 魏少英
 沛國潁陰荀翌字伯條
 天下好交 荀伯條
 大司農博陵安平劉祐字伯祖
 天下稽古 劉伯祖
 太常蜀郡成都趙典字仲經
 天下才英 趙仲經
 右八俊

有道太原介休郭泰字林宗
 天下和雍 郭林宗

太常陳留圍夏馥字子治天下慕特

尚書令河南鞏尹勳字伯元天下英藩

河南尹太山平陽羊陟字嗣祖天下清苦

議郎東郡陽平劉儒字叔林天下瑜金

冀州刺史陳國項蔡衍字孟喜天下雅志

潁川太守渤海高城巴肅字恭祖天下臥虎

議郎南陽安衆宗慈字孝初天下通儒

右八顧後漢書無劉儒有范滂

御史中丞汝南召陵陳翔字子鱗海內貴珍

衛尉山陽高平張儉字元節海內忠烈

太尉掾汝南細陽范滂字孟博海內譽謬

蒙令山陽高平檀敷字文有海內通士

洛陽令魯國孔昱字世元海內才珍孔世元

太山太守渤海重合范康字仲真海內彬彬

太尉掾南陽棘陽岑暄字公孝海內珍好

鎮南將軍荊州牧武城侯山陽高平劉表字景升海內

所稱劉景升

右八及後漢書無范滂有翟超卓

少府東萊曲城王商字伯義海內賢智王伯義

郎中魯國蕃嚮字嘉景海內脩整

北海相陳雷已吾秦周字平生海內貞良秦平生

侍御史太山奉高胡毋班字季皮海內珍奇胡毋季皮

太尉掾潁川陰劉翊字子相海內光光劉子相

冀州刺史東平壽張王考字文祖海內依怙王文祖

陳留相東平壽張張邈字孟卓海內嚴恪張孟卓

荊州刺史山陽湖陸度尚字博平海內清明度博平

右皆傾財竭已解釋怨結拯救危急謂之八

廚後漢書無劉翊有劉儒

從三君至此並見三君八俊錄

太丘長潁川陳寔字仲弓

寔子大鴻臚紀字元方

紀弟司空掾諶字季方

右並以高名號曰三君見甄表狀及邯鄲淳

紀碑

太尉河南杜喬字叔榮狀喬治易尚書禮記春秋晚好老子隱居不仕年四十為

郡功曹立朝正色有孔父之風

太常燉煌張奐字然明狀奐廉方亮直學談羣籍前

珍寶一無所取矯王孫裸形宋司馬為石椁幅巾時服無棺而葬焉

侍中河內向詡字甫興狀詡博覽羣籍兼好黃老古

年十

太傅汝南陳蕃字仲舉 狀蕃瑗偉秀出雅亮無倫學該墳典忠壯蹇諤又日明允

貞亮與大將軍竇武志匡社稷機事不密為羣邪所害

太尉沛國施延字君子 狀延清公潔白進士許國臨難不顧名著漢朝

少府潁川李膺字元禮 狀膺承三公之後生高潔之門少履清節非法不言英聲

宣于華夏高名冠於縉紳

司隸沛國朱寓字季陵 一名詡右一人訪其申正無識知行狀者告本郡訪問者

老識寓云桓帝時遭難無後

太僕潁川杜密字周甫 狀密清高雅達名播四海歷統五郡恩惠化民

太鴻臚潁川韓融字尤長 狀融聰識知機發于岐嶷弟同居至于沒齒處卿相之位且二十年奉身守約不隕厥問

或親候從儒林歸仗究極篇籍

司空潁川荀爽字慈明 狀爽年十二隨父在公府羣公卿校咸丈人也或遣進奏

司空清河房植字伯武 狀植少履清苦孝友忠正歷位州郡政成化行既登三事

靖恭衣服雖季文相魯晏嬰在齊清風高節不是過也

聘士彭城姜肱字伯淮 狀肱稟履立知立性純固事親至孝五十而慕學綜六藝

窮通究微行隆華夏名播四海

太尉下邳陳球字伯真 狀球清高忠直孝靈中年欲誅黃門常侍以此遇害

司空山陽王暢字叔茂 狀暢雅性貞實以禮文身居家在朝節行異倫

徵士陳留申屠蟠字子龍 狀蟠年九歲喪父號泣過于成人未嘗見齒每至父

母亡日三日不食在塚側致甘露白雉以孝稱州郡表其門閭徵聘不就年七十二終于家

黃書補錄 卷之二 五

衛尉山陽張儉字元節

狀儉體性忠直閨門孝友臨官賞罰清亮絕俗

大司農北海鄭玄字康成

狀玄含海岱之純靈體大雅之洪則學無常師講求

道與敷宣聖範錯綜其數作五經注義窮理盡性也

徵士樂安冉瑒字孟玉

狀瑒體清純之性蹈高潔之行前後十五辟皆不就除高

唐令色斯而舉時陳仲舉李元禮仲弓皆難其高風

太尉漢中李固字子堅

狀固當順桓之際號稱名臣大將軍梁冀惡直醜正害其

道桓帝即位遂死于讒

有道太原郭泰字林宗

狀器量弘深孝友貞固名布華夏學冠羣儒州郡禮命曾

不旋軌辟司徒餒有道並不屈

益州刺史南陽朱穆字公叔

狀穆中正嚴恪有才數明見初補豐令政平以

和有宓子賤之風上書陳損益辭切情至

尚書會稽魏朗字少英

狀朗資純美之高亮幹輔國朝忠蹇正直之節播于京師

聘士豫章徐穉字孺子

狀穉妙德高偉清英超世前後三徵未嘗降志抗名山棲

養志浩然有夷齊之高躔伯玉卷舒之術

度遼將軍安定皇甫規字威明

狀規少有岐嶷正直之節對策指刺黃門

梁冀不能用退隱山谷敦樂詩書

右魏文帝初為丞相魏王所旌表二十四賢

後明帝乃述撰其狀見文帝令及甄表狀

太常燉煌張奐字然明

為度遼將軍幽并清靜吏民歌之徵拜大司農賜錢除家

一人為郎辭不受願徙居華陰故始為弘農人

度遼將軍安定皇甫規字威明

太尉武威段熲字紀明

右京州三明並著威名于桓靈之世悉名士

也見續漢書

韋權字孔衡 弟瓚字孔玉 瓚弟矩字孔規

右太尉掾韋子才之三子皆脩仁義兄弟孝

友逢盜賊一人病不能去兄弟相募兵至俱

死時人稱之號韋三義見三輔決錄

荀儉字伯慈 漢侍中 儉弟緄字仲慈 濟南相漢光祿大夫或之

父年六十六 緄弟靖字叔慈 或問汝南許劭靖爽孰賢

朗叔慈內潤靖隱身脩學動必 靖弟壽字慈光 舉

廉年七十 壽弟汪字孟慈 昆陽令 汪弟爽字慈明 公卓

徵為平原相遷光祿勳司空出自巖 爽弟肅字敬

慈 守舞陽令 肅弟勇字幼慈 司徒掾

右朗陵令穎川荀季和之八子金有德業時

人號之八龍居西豪里渤海宛康知名士也

時為穎陰令美之曰高陽氏才子八人遂改

所居為高陽里見張璠漢紀及荀氏譜

公沙紹字子起 紹弟孚字允慈 北海耆舊傳稱孚與荀爽共約出不

得事貴勢而爽當董卓時脫巾未百日 孚弟恪字

允讓 恪弟達字義則 達弟樊字義起

右北海公沙穆之五子並有令名京師號曰

公沙五龍天下無雙穆亦名士也見魏明帝

甄表狀及後漢書

膠東令盧汜昭字興先 樂城令剛載祈字子陵

潁陰令劉徐晏字孟平 涇令盧夏隱字叔世

州別駕蛇丘劉彬字文曜 一云世州

右濟北五龍少並有異才皆稱神童當桓靈

之世時人號為五龍見濟北英賢傳

孝廉杜陵金敞字元休 位至兗州刺史 上計掾長陵弟五

巡字文休 興先之子興先名種司空伯魚之孫名士也不詳巡位所至時辟太尉掾

上計掾杜陵韋端字甫休 位至涼州牧太尉

右同郡齊名時人號之京兆三休並以光武

元年察舉見三輔決錄

晉宣帝河南司馬懿字仲達

魏司空潁川陳羣字長文

中領軍譙朱鑠字彥才

侍中濟陰吳質字季重

右魏文帝四友見晉紀

魏步兵校尉陳留阮籍字嗣宗

中散大夫譙嵇康字叔夜

晉司徒河內山濤字巨源

建威參軍沛劉伶字伯倫

始平太守陳留阮咸字仲容

籍兄子

散騎常侍河內向秀字子期

司徒瑯邪王戎字濬沖

右魏嘉平中並居河內山陽共為竹林之游

世號竹林七賢見晉書魏書袁宏戴逵為傳

孫統又為讚

吳範相風

吳人

劉惔占氣

河內人

趙達算

河內人

皇象書

廣陵人

嚴子卿碁

名昭武衛尉峻從子

宋壽占夢

不

失

曹丕興畫

為孫權畫屏風誤落筆點素因以為蠅後張御坐權以為真蠅手彈不去

方知其非也

孤城鄭姥相

見王粲於童賤謂仕必至師傳後為太子太傅

右吳八絕見張勃吳錄

陳留董昶字仲道

琅琊王澄字平子

陳留阮瞻字千里

一云阮八百即瞻弟孚字遙集朗率多通故大將軍王敦云方瞻有

減故云八百

穎川庾敳字子高

陳留謝鯤字幼輿

太山胡母輔之字彥國

沙門于法龍

樂安光逸字孟祖

右晉中朝八達近世聞之故老

裴徽字文秀魏冀州刺史裴楷字叔則徽弟三子晉光祿大夫

裴綽字季舒楷弟長水校尉裴瓚字國賓楷子中書郎

裴邈字景初楷孫欽子太傅左司馬裴遐字叔道瓚子太傅主簿

裴康字仲豫徽弟二子太子左率裴頡字逸民楷孫季子晉尚書僕射

王祥字休徵晉太保王戎字濬冲父渾涼州刺史祥族子司徒

王澄字平子行弟裴綽女壻荆州刺史王導字茂弘覽孫裁子敦從弟丞

相 王綏字萬子戎子早亡裴康女壻王衍字夷甫父文平北將軍

戎從弟 王敦字處仲覽孫基弟二子大將軍王玄字睂子

太尉 行子陳留內史 右河東八裴琅琊八王聞之於故老

魏司空王昶字文舒 昶子汝南太守湛字處冲

湛子東海內史承字安期 承子驃騎將軍述字懷

祖 述子安北將軍坦之字文度 魏尚書僕射杜

畿字伯侯 畿子幽州刺史恕字務伯 恕子鎮南

將軍預字元凱 預子散騎常侍錫字世嘏 錫子

光祿大夫又字弘治

右太原王京兆杜各稱五世盛德聞之於故

老夫書籍所載及故老所傳善惡聞於世者

蓋盡于此矣漢稱田叔孟舒等十人及田橫

兩客魯八儒史並失其名夫操行之難而姓

名翳然所以撫卷長嘆不能已已者也

八儒

夫子沒後散于天下設於中國成百氏之源爲綱紀之儒居環堵之室葦門圭竇甕牖繩樞併日而食以道自居者有道之儒子思氏之所行也衣冠中動作順大讓如慢小讓如僞者子張氏之所行也顏氏傳詩爲道爲諷諫之儒孟氏傳書爲道爲疎通致遠之儒漆雕氏傳禮爲道爲恭儉莊敬之儒仲梁氏傳樂爲道以和陰陽爲移風易俗之儒樂正氏傳春秋爲道爲屬辭比事之儒公孫氏傳易爲道爲潔淨精微

之儒

三墨

不累於俗不飾於物不尊於名不忮於衆此宋劔尹文之墨裘褐爲衣跂蹻爲服日夜不休以自苦爲極者相里勤五侯子之墨俱稱經而背譎不同相謂別墨以堅白此苦獲已齒鄧陵子之墨

廣羣輔錄卷之三

仁和徐汾武令著

共工 柏皇

右太昊伏羲氏二相見古帝紀

風后 力牧 太山

稽 常先 大鴻

右黃帝有熊氏六相史云得六相而天下治

沮涌 蒼頡 隸首 孔甲

右黃帝四史官

祁午 張超 籍談 女齊

梁丙 張骼 輔譟 苗賁皇

右晉國八大夫見左傳楚遠啓疆曰羊舌肸之下八大夫皆諸侯之選也

由余 百里奚 蹇叔 丕豹 公孫枝

右秦五子見史記李斯諫秦逐客書曰昔者穆公求士西取由余於戎東得百里奚於宛迎蹇叔於宋來丕豹公孫枝于晉

顏回 子淵 魯人 曾參 子輿 南武城人 閔損 子騫 魯人

冉耕 伯牛 魯人 冉雍 仲弓 魯人 宰予 子我 魯人

端木賜 子貢 衛人 冉求 子有 魯人 仲由 子路 卞人

言偃 子游 吳人 卜商 子夏 衛人 顓孫師 子張 陳人

澹臺滅明 子羽 武城人 宓不齊 子賤 魯人 原憲 子思 宋人 鄭玄曰魯人

公冶長 子長 齊人弟 子解云魯人 南宮适 史記作括字 子容一名縉

高柴 子高 弟 子解云子羔齊人 漆雕開 子開 弟 子解云子若蔡人

樊須 子遲 齊人 一日魯人 司馬耕 子牛 宋人 一作犁 公西赤 子華 魯人

有若 子有 一作子若魯人 琴張 子開 一作琴牢 申枨 子續 魯人

陳亢 子禽 陳人 一作子亢 巫馬施 子期 魯人 云陳人 梁鱣 叔魚 鱣 一作鯉

公皙哀 季次 一作季沈齊人 商瞿 子木 魯人 冉孺 子魯 一作冉 儒字子魚魯人

曹卹 子循 蔡人 顏辛 子柳 史記 作幸魯人 伯虔 子析 一作子楷魯人

冉季 子產 魯人 公孫龍 子石 龍 一作寵衛人 漆雕哆 子欽 魯人 一作侈

秦商 子丕魯人一作不 漆雕徒父 子有弟子解作

顏高 子驕魯人弟 壤駟赤 子徒秦人一作

商澤 子季魯人 任不齊 士選楚人 公良孺 子正陳人

石作觸 子明秦人弟子解作石 公肩定 子中魯人史

公夏首 子乘魯人首一作 郭單 子家魯人按家語不

后處 子里齊人弟子解 郭單 日郭單而日縣單字

奚容蒧 子皙魯人一作 罕父黑 子象魯人弟解作

顏祖 子襄魯人 榮旂 子祺魯人 秦祖 子南秦人

左人郢 字行魯人一作 句井疆 子孟衛人弟

鄭國 子徒魯人弟子解 公祖句茲 子之

原亢 子藉魯人弟子解 縣成 子祺魯人

廉絜 字庸衛人一作潔字 燕伋 字思伋

叔仲噲 子明魯人 顏之僕 子叔魯人

邾奕 子欽魯人一作 樂欬 子聲魯人

公西輿如 子上魯人一 狄黑 皙之衛人

孔忠 子蔑弟子 公西蒧 子尚魯人

步叔桀 子車齊人史 施之常 子常魯人

記作步叔

記作步叔

記作步叔

記作步叔

秦非

子之魯人弟子
解云字子立

顏噲

噲或作滄
子聲魯人

顏何

字冉家語
曰字稱

顏繇

字路史記作顏無
繇字路回之父也

曾點

字皙史記作曾
蒧參之父也

右聖門七十七人見家語後司馬遷作仲尼

弟子傳無琴牢陳亢縣亶而別有公伯寮秦

冉鄒單與弟子解各異或云縣亶卽鄒單也

家語魏王肅舊本無顏何止七十六人宋馬

端臨曰家語與史所載數同及觀弟子列傳

有顏何字冉索隱注曰家語字稱則知顏何

原見于家語而肅本缺之耳史記有申黨無

申枏疑黨卽枏也文翁石室圖反分爲二以

黨作堂且易入蘧瑗林放二人更謬甚矣世

並稱七十二人此出于北齊顏之推說尼父

門徒升堂者七十有二顏氏居八八人之中

顏何與焉自當以何爲七十七人之數孟氏

書止稱七十子亦從其略爾

魏成

翟璜

右二子見史記魏世家魏文侯問李克曰二

子何如

應曜

右淮陽一老見古樂苑謠辭應曜隱于淮陽
山中與四皓俱徵獨不至時人語曰商山四
皓不如淮陽一老

相國鄴侯蕭何諡文終將軍舞陽侯樊噲諡武

將軍留侯張良諡文成太尉絳侯周勃諡武

將軍平陽侯曹參諡懿丞相戶牖侯陳平後更封曲逆侯諡獻

南宮侯張敖初封趙王降封宣平侯諡武衛尉曲陽侯酈商諡景

將軍潁陽侯灌嬰諡懿將軍汝陰侯夏侯嬰諡文

將軍陽陵傅寬諡景將軍信武侯靳歙諡肅

丞相安國侯王陵諡武將軍襄平侯韓信是韓王信非淮陰侯

文苑注云當作襄城襄平誤也

將軍棘津侯陳武功臣表作棘蒲諡劉曲城侯蠱達諡圍

御史大夫汾陰侯周昌諡悼

將軍青陽侯王吸功臣表作清河諡定一作王汲

右高祖詔定元功十八人位次以何為第一

參次之賜何帶劍履上殿入朝不趨見史記

後東漢班固為十八侯銘列參為第五詳古

文苑一本無張良陳平灌嬰韓信而有奚涓

薛歐丁復雍齒沈朗思曰元功十八人位次

史漢皆失載獨見于班氏銘若趙王耳梁王

越淮南王布長沙王芮燕王綰並不載蓋所
奏位次皆徹侯耳然功臣位次定于六年春
先是冬十二月楚王已見執降封淮陰侯而
此闕焉韓王信已王太原而仍列之倘淮陰
以疑見黜則是年秋韓王信即叛不應仍在
十八人之列張敖以功臣之子嗣父王爵身
無汗馬之勞十八元功所不及也其降為侯
又在九年之春樊噲未當即為第二史鄂君
曰蕭何第一曹參次之今位次與史不同古
文苑注云呂后時陳平所差次當或然乎蓋
無張良陳平而有雍齒尤誤

茅盈 茅固 茅衷

右三茅漢景帝時人

劉向 谷永 耿育

右三悉見漢書傳云陳湯挺即救在三悉

淮南王安 衡山王勃 廬江王賜

右三淮南見鄒陽傳淮南厲王三子為王

王尊 王章 王駿

右三王皆漢王吉之子成帝時駿為京兆尹
試以政事先是京兆有趙廣漢張敞而三王
皆有能名故京師稱曰前有趙張後有三王
見漢書

齊王將闔 濟北王志 菑川王賢

膠東王雄渠 膠西王卬 濟南王辟光

右六齊見鄒陽傳齊悼惠王六子為王

姜肱 姜仲海 姜季江

右三姜兄弟友愛常共臥起見漢書

馮君卿 馮聖卿

右二馮相代為上郡太守治行相似吏民歌

曰大馮君小馮君兄弟繼踵相因循見漢書

鮑宣 子都 鮑永 君長宜之子 鮑昱 文泉永之子

右三世司隸乘一驄馬京師人歌之曰鮑氏

驄三人司隸再入公馬雖瘦行步工

唐林 唐尊

右兩唐

蘇章 孺文 蘇不韋 公先

右二蘇後漢贊曰二蘇勁烈

周子輿 周子羽 周子仲

周子明 周子良

右五龍為周燕之五子見汝南先賢傳

許虔子政 許劭子將

右平輿二龍劭居常好論里中人物故汝南

有月旦評云見後漢書

陳紀元方 陳謚季方

右二難陳寔之二子見漢書傳曰元方難為

兄季方難為弟

荀淑當塗長 韓韶贏長 陳寔太丘長

鍾皓慮長

右潁川四長見漢書

荀彧文若 荀攸公達

右荀氏二仁文中子曰生以救時死以明道

北海徐幹偉長 山陽王粲仲宣 廣陵陳琳孔璋

陳留阮瑀元瑜 汝南應瑒德璉 東平劉楨公幹

東阿王曹植子建亦稱臨菑侯

右南皮七子魏文帝與元城令吳質書曰偉

長懷文抱質恬淡寡欲有箕山之志德璉嘗

斐然有述作意其才學足以著書孔璋章表

殊健微為繁富公幹有逸氣但未適耳元瑜書記翩翩致足樂也仲宣獨自善于辭賦惜其體弱不足起其文至於所善古人無以遠過見三國志陳壽云自穎川邯鄲淳繁欽陳留路粹沛國丁儀丁廙弘農楊修河內荀緯等亦有文采而不在此七人之例文選載東阿公宴詩有云公子數愛客終宴不知疲公子謂曹丕為五官中郎將時也

曹真 曹休 夏侯尚 桓階 陳羣 鍾繇

張郃 徐晃 張遼 樂進 華歆 王朗

曹洪 夏侯淵 朱靈 文聘 臧霸

李典 龐德 典韋 荀攸

右魏佐命臣二十一人見三國史

鄧颺 玄茂 何晏 平叔 丁謚 彥靖

右三人為曹爽所信時目為臺中三狗見陳

壽三國志詳裴注

諸葛瑾 子瑜 諸葛亮 孔明 諸葛誕 公休

右三諸葛各在一國時以為蜀得其龍吳得其虎魏得其狗見三國史

劉純嘏 名粹 劉終嘏 名宏 劉冲嘏 名漢

右兄弟三嘏見晉書時人語曰洛中雅有三嘏

張載

孟陽

張協

景陽

張亢

季陽

右三張見晉書載隨父入蜀嘗作劍閣銘弟協有雋才著七命亢亦嫺詩賦或云二陸入雒三張減價

陸機

士衡

陸雲

士龍

右兄弟並以文名張華目為二俊嘗稱之曰君兄弟龍躍雲津見晉書

丁潭

康

孔愉

敬康

張茂

偉康

右會稽三康見晉書

衛瓘

索靖

右一臺二妙善草書見晉書

索靖

汜衷

張魁

索紉 索永

右敦煌五龍

陳留阮放為宏伯

高平郗鑒為方伯

泰山胡毋輔之為達伯

濟陰卞壺為裁伯

陳留蔡謨為朗伯

阮孚為誕伯

高平劉綏為委伯

羊曼為黠伯

右兖州八伯擬漢八雋見晉書

鴻臚陳留江泉以能食為穀伯

豫章太史疇以大肥為笨伯

散騎郎高平張嶷以狡妄為猾伯

羊嗣以很戾為瑣伯

右四伯擬虞之四凶見梁書

郭彭 石崇 陸機 陸雲 和郁 潘岳

崔基 歐陽建 繆徵 杜斌 摯虞 諸葛詮

王粹 杜育 鄒捷 左思 劉瓌 周恢

牽秀 陳珍 許猛 劉訥 劉輿 劉琨

右附賈謚二十四友見晉書

楊駿 楊珧 楊濟

右三楊見西晉書

汝南王亮 楚王璋 趙王倫 齊王冏

長沙王乂 成都王穎 河間王顥 東海王越

右八王見晉書

右將軍會稽內史王羲之 司徒謝安

司馬左西屬謝萬 右司馬孫綽

行參軍徐豐之 前餘姚令孫統

前永興令王彬之 王凝之

王肅之 王徽之 陳郡袁嶠之
散騎常侍郗曇 前參軍王豐之

前上虞令華茂 穎川庾友

鎮軍司馬虞說 郡功曹魏滂

郡五官佐謝懌 穎川庾蘊

前中軍參軍孫嗣 行參軍曹茂之

徐州西平曹華 一作曹華平 滎陽栢偉

王玄之 王蘊之 王渙之

侍郎謝瑰 鎮國大將軍椽卞廸

行參軍事印丘髦 王獻之

行將軍羊模 參軍孔熾

參軍劉密 山陰令虞谷

府功曹勞夷 府主簿后綿 一作澤

前長岑令華耆 前餘姚令謝滕

府主簿任儼 一作注假 任城呂系

任城呂本 彭城曹禮 一作禮晉列傳有李充天章碑則無之

右蘭亭禊飲四十二人為詩者二十六人自

侍郎謝瑰以下一十六人詩不成罰酒三巨

觥見蘭亭考永和九年歲在癸丑暮春初會

于會稽山陰之蘭亭修禊事也羣賢畢至少

長咸集此地有崇山峻嶺茂林修竹又有清流激湍映帶左右引以為流觴曲水列坐其次雖無絲竹管絃之盛一觴一咏亦足以暢敘幽情

王戎

右二王見晉書羊祜傳戎衍並憾羊祜每言論多毀之時人為之語曰二王當國羊公無

德

王昶

文舒

王湛

處冲

王承

安期

王述

懷祖

王坦之

文度

右五世盛德見世說注

荀邃

荀闔

右二荀見晉書明帝問王廙曰二荀兄弟孰優廙荅以闔才明過邃

王羲之

逸少

王應

安期

王悅

豫之

右王氏三少阮裕目之

王凝之

叔平

王渙之

王徽之

子猷

王操之

子重

王獻之

子敬

右羲之有子七人五人書迹傳世玄之肅之二人未見後有稱羲之生五之

梁讜 梁熙

右二梁見崔鴻前秦錄讜博學有雋才與弟

熙俱以文藻清麗見重時人為之語曰關東

堂堂二申兩房未若二梁環文綺章

彭城法曹謝惠連

靈運從弟

平西記室何長瑜

東海

員外散騎荀雍

穎川

臨川內史羊璿之

太山

右康樂四友以文章賞會為山澤之遊見宋

謝靈運傳南史曰長瑜文才之美亞于惠連

荀羊不及也

謝朓

謝靈運

謝惠連

右三謝謝朓為宣城太守見鍾嶸詩品曰奇

篇秀句往往出羣足使謝混失步鮑照變色

陸脩靜

陶潛

慧遠

右結社廬山一日過虎溪相笑而別時人繪

為三笑圖見陶傳

周續之

道祖

劉麟之

遺民

陶潛

元亮

右潯陽三隱共入廬山與慧遠為方外交見

宋逸民傳

王華

子陵

王曇首

弟弘之

殷景仁

劉湛

皆為侍中

謝弘微

黃門侍郎安之族孫

右五臣見李延壽南史為宋文帝所重言風力局幹冠冕一時史云次則范曄沈演之庾炳最後江湛徐湛之何瑀之及王僧綽凡十

二人

褚炫

江敷

謝朓

劉侯

右天子四友見宋書蕭道成輔政選朓為長史與炫敷侯三人皆入侍

南昌處士雷次宗

儒學

丹陽尹何尚之

玄學

太子率更令何承天

史學

司徒參軍謝元

文學

右四學見南史宋元嘉中授雷次宗給事中不受後名詣建康為築室于鍾山西巖下謂之招隱館

何求

何點

何胤

右何氏三高兄弟發迹雖異皆克終隱往居若耶雲門寺求先卒世又號點為大山胤為為小山見南史

王彧

景文

謝莊

希逸

阮韜

長明

何偃

仲弘

右宋孝武侍中四人並以風貌王謝為一雙

阮何爲一雙見南史唐詩有云雲仍王謝並
風貌阮何雙

蕭道成

伯緒

袁粲

景倩

褚淵

回彥

劉秉節

彥

右四貴宋蒼梧王命更日入直決事見南史

范雲

龍彥

蕭琛

瑜彥

任昉

升彥

王融

元長

蕭衍

達叔

謝朓

暉玄

沈約

休文

陸倕

佐公

右齊竟陵王子良八友並以文學見親見蕭

子顯南齊書

豫州刺史馬遷琕

靈馥

吳興太守袁昂

千里

右齊二義士見南齊書大司馬蕭衍厚遇之

陸琰

溫玉

陸瑜

幹玉

右吳郡二陸見南史

鉅鹿魏收

伯起

濟陰溫子昇

鵬舉

河間邢邵

子才

右三才見北齊魏收傳

辛鑿

辛曠

辛攀

辛寶

辛迅

右南北朝五辛父爽尚書郎兄弟五人皆以
才識知名秦雍爲之語曰五龍一門金友玉

昆

何思澄

元靜

何遜

仲言

何子朗

世明

右三何見梁書時人語曰東海三何子朗最多思澄聞之曰此言悞耳如其不然故當歸

遜

崔暹 崔季舒 崔昂 張亮

張徽 陳元康

右三崔二張一康見北史齊文襄入輔居鄴下三崔並被任用二張並為神武待遇然皆出陳元康下時人為之語曰三崔二張不如一康

周弘正 周弘讓 周弘直

右三周或問三周孰賢曰若蜂腰矣

劉繪 張融 周顥

右永明末三人竟陵西邸劉繪後進領袖時張融言辭辯捷周顥彌為清綺而繪音采不贍麗雅有風則時人為之語曰三人共宅夾

清漳張南周北劉中央

李伯括 名平 李仲括 名機 李叔括 名隱 李季括 名保

右兄弟四括見北史

臧榮緒 關康之

右京口二隱見南齊書

和士開 婁定遠 趙彥深 元文遙

唐邕 綦連猛 高阿那肱 胡長檠

右八貴見北齊書

楊州刺史始安王蕭遙光 元暉 尚書令徐孝嗣 始昌

臨汝侯蕭坦之 君平 右僕射江祜 弘業

侍中江祀 景昌 衛尉劉暄 士穆

右六貴齊東昏侯時更直內省雍州刺史蕭

衍謂之一同朝見齊書

孫騰 司馬子如 高岳 高隆之

右鄴中四貴魏高歡委四人以朝政見北史

江祜 江祀

右二江見南史祜嘗與弟祀劉渢劉晏俱侯

眺眺謂祜曰可謂帶二江之風流

裴景鸞 裴景鴻

右裴宣明二子並有逸才河東呼景鸞驥子

景鴻龍文見北史

宇文泰 安定國 廣陵王欣 李弼 趙公 李虎 隴西公

獨孤信 河內公 趙貴 南陵公 于謹 常山公

侯莫陳崇 彭成公

右八柱國見西魏書

王元或 濟南人 王延明 安豐人 王熙 中山人

右三王見後魏書元或與從兄安豐王延明中山王熙齊名時人爲之語曰三王楚楚盡琳琅未若濟南備圓方

陸暉 陸恭

右二陸見魏史

衛將軍孟昶 詹事散騎孟頊

右雙珠並美風姿見南史頊嘗就徐羨之因敘關洛中事

張演 張鏡 張永 張辯 張岱

右張氏五龍見南史鏡與顏延之鄰居顏談義飲酒大叫不絕而鏡靜默無言聲

傅琰 傅劇 即琰之子

右二傅見南史

丘仲孚 山陰令

右一丘時人爲之語曰二傅沈劉不如一丘沈劉謂沈憲劉玄明相繼宰山陰並有政績

張稷 張充 張融 張卷

右四張見南史宋書張融傳云張氏前有敷演鏡暘後有充融卷稷

杜道鞠博奕 范悅詩 褚欣遠模書

褚胤圍碁 徐道度治疾

右五絕宋文帝謂皆出錢唐見南史道度為

秋夫之子

柳悅文殊 柳惔文通

右柳氏二龍見南史王儉謂人曰柳氏二龍

可謂一日千里

陸僚 陸任 陸倕慧曉之子

右三陸見南史初授慧曉兗州三子依次第
各作一讓表辭金雅麗時人歎服

王玄眉子 王澄平子 王濟武子

右三王見晉書衛玠天韻標令論者以為出
三王之右語曰諸王三子不如衛家一兒

謝安安石 謝萬萬石

右二謝王右軍郝夫人嘗謂二弟情曇曰王
家見二謝傾筐倒屣見汝輩來平平爾汝可

無煩復往

張玄之祖希 謝玄初度

右二玄見續晉陽秋玄之為吳興太守而謝
玄為會稽太守同時之郡時稱南北二玄

王承安

期

趙穆

子季

鄧攸

伯道

右三叅軍太傅東海王鎮許昌以王為叅軍

勅世子毗曰安期人倫之表汝其師之或曰

王趙鄧三叅軍也

劉輿

慶孫長才

潘滔

陽仲大才

裴邈

景聲清才

右三才見八王故事劉才長綜覈潘博學為

名裴彊立方正皆為東海王所暱俱顯一府

劉璵

劉琨

右二劉見鄧粲晉紀琨與兄璵皆知名遊權

貴之間當世以為豪傑

劉孝威

江伯搖

孔敬通

申子悅

徐防

徐摛

王固

孔鑠

鮑至

庾肩吾

右高齋學士十人齊晉安王國命抄謨眾籍

見南史

孫謙

長遜

孫廉

思約

右東筦二孫見南史梁武帝素稱二孫有善

政或云孫何孫謹亦稱二孫

顧協

子和一瑯邪人

顧協

正禮一吳郡人

右二協見梁史湘東王擢顧協為記室時吳

郡顧協亦在藩邸與之同名才學相亞

廷尉少卿蘇珍之 大理正宋世軌

右寺中二絕見北史後魏時大理寺中語曰
決定嫌疑蘇珍之視表見裏宋世軌

伏曼容 袁粲

右一臺二妙見宋書

燉煌張湛 金城宗欽 武威段承根

右三儒者後魏崔浩目之

賀德基 賀德仁

右二賀陳時人兄弟並師事周弘正時人為
之語曰學行可師賀德基文質彬彬賀德仁

顧野王圖畫 王褒書贊

右兩絕見南史褒與野王同時人

阮萬齡 袁豹 江夷

右三素望見南史宋書三人為孟昶長史司
馬時人稱之

李師 盧公順 崔君洽

右康寺三少見北齊書三人同志友善

到溉 到洽

右兩到見南史世相贈詩云雙丁二陸何如

兩到

馬子給 馬子廉 馬子尚

右三馬見北齊書

范陽盧敏 清河崔宗伯

滎陽鄭義 太原王瓊

右四姓衣冠所推拓跋魏主咸納其女以充

後宮

李詵 李靈 李遐

右三李見後魏書高允謂山嶽所鍾挺生三

李

扈蒙 扈戴

右後周二扈兄弟並掌制誥見北史

蘇亮 蘇綽

右二蘇見北史

邢子明 邢子才 即劭

右兩邢見北齊書

魏季景 魏收

右二魏洛中稱之見北齊書收與劭同時齊

名世亦號邢魏

王延之 希 王僧虔 僧綽

右二王見南史齊高帝輔政朝野之情人懷

彼此延之與尚書令王僧虔中立無所去就
時人語曰二王居平不送不迎

盧玄 崔綽 李霧 邢穎

高允 游雅 張偉

右逸民七人見後魏書

崔浩 張偉 劉芳 邢劬

右四儒以才博擅名見北齊顏氏家訓

張徽之 名烈 崔徽伯 房徽叔

右三徽並有令譽見北史

李晃 仲黃 李茱 季黃 李勁 少黃 李勸 黃

右四黃以兄弟著名時謂四黃見後魏書

高允 高閭

右二高見後魏書

傅靈慶 傅靈根 傅靈越

右三靈見後魏書

李渾 李繪 李緯 李湛

右皆官副使趙郡人士目為四使見北齊書

柳機 柳昂

右二柳見隋書初機在周與族人文城公昂
俱歷顯要及此機昂並為外職楊素時為納

言方用事因上賜宴素戲機日二柳俱推孤
楊獨聳坐者歡笑機竟無言

何妥 蕭謹

右兩雋見隋書時人語曰世有兩雋白楊何
妥青楊蕭謹或云蕭春

信都劉焯元士 河間劉炫伯光

右二劉見隋書劉焯傳焯少與炫結盟為友
炫聰明博學名亞于焯

牛弘 蘇威 宇文述 張瑾

虞世基 裴蘊 裴矩

右選曹七貴見隋書牛弘為吏部尚書威等

參掌選事

馬光 張仲讓 孔寵 竇士榮

張黑奴 劉祖仁

右六儒見隋書

韓擒虎子通 賀若弼輔伯

右隋文帝前爭功上目為二將俱為上勲見

隋書

魏景義 魏景禮

右二鳳見隋書

廣羣輔錄卷之四

仁和徐汾武令著

杜如晦

大行臺司勳郎中

房玄齡

記室考功郎中

褚亮

文學

姚思廉

文學

李玄道

簿

蔡允恭

參軍

虞世南

學士

薛元敬

著作郎

顏相時

參軍

蘇勗

軍諮典簽

于志寧

郎中

蘇世長

軍諮祭酒

薛收

天策府記室

李守素

天策倉曹參軍事

陸德明

大學博士

孔穎達

博士

蓋文達

大學助教

許敬宗

著作郎攝記室

右唐太宗分爲三番更日直宿暇則至館中

細論文籍使庫直閣立本圖像褚亮爲贊號

十八學士時人得預其選者謂之登瀛州見
劉昫唐書史云武德七年收卒復名東虞州
錄事參軍劉孝孫補之始太宗復置弘文館
精選天下文學之士如褚亮姚思廉蔡允恭
而又有歐陽詢虞世南蕭德言三人嘗引入
內殿商榷政事或至夜分乃罷

御史大夫鄆國公榮陽張亮

左衛將軍潞國公三水侯君集

太尉楊州都督英國公離狐李勣字懋功

司徒并州都督化國公三原李靖字藥師

右武衛大將軍盧國公東阿程鸞字知節

光祿卿邢國公滑州劉政會

左翊衛大將軍霍國公臨汾柴紹字嗣昌

吏部尚書許國公齊清河王後高儉字士廉

尚書左僕射蔣國公長安屈突通

司徒并州都督衛國公善陽尉遲恭字敬德

左驍衛大將軍鄒國公繁水張公謹字弘慎

徐州都督胡國公歷城秦瓊字叔寶

開府儀同三司莒國公晉陽唐儉字茂素

輔國大將軍襄國公臨淄段志玄

輔國大將軍夔國公雍州劉弘基

陝東道大行臺右僕射鄖國公江南殷嶠字開山

尚書右僕射蔡國公杜陵杜如晦字克明

尚書左僕射邢國公臨淄房玄齡字喬齊

禮部尚書河間郡王趙孝恭

弘文館學士永興縣公餘姚虞世南字伯施

開府儀同三司齊國公長孫無忌字輔機

開府儀同三司邳國公長孫順德

司空荊州都督宋國公後梁明帝子蕭瑀字時文

司空相州都督鄭國公曲城魏徵字玄成

右凌烟閣二十四人為唐佐命功臣見唐紀

虞世基

字茂世

虞世南

字伯施

右餘姚二虞見唐書

薛元敬

薛收

字伯褒汾陰人

薛德音

元敬族兄

右河東三鳳收為長鄒德音是鸞鴛元敬年

最少為鵠雛見新唐書

王勃

王勣

王勳

右兄弟著名杜易簡目之為三珠樹見唐書

宋璟

張說

源乾曜

右三傑見唐書

王勃 楊炯 盧照鄰 駱賓王

右四傑見唐書炯嘗曰吾媿在盧前恥居王

後

王璵 王珣 王璿

右兄弟三王見唐傳

平陽王雀敬暉 扶陽王桓彥範 漢陽王張柬之

南陽王袁恕已 博陵王雀玄暉

右賜封五王終為武三思鄭愔所害見唐中

宗紀

懷州刺史王丘 魏州刺史雀沔

濟州刺史裴耀卿

右唐明皇日三人真良史見唐書

李靖 蕭瑀 楊恭仁 王珪 竇靜 李大亮

劉德威 皇甫無逸 韋挺 李襲譽 張亮

杜正倫 趙弘智

右十三人始貞觀八年遣大使出觀風俗見

唐書

蕭瑀 蕭嵩 蕭華 蕭復 蕭寘 蕭俛

蕭倣 蕭遘

右八蕭

張說 徐堅 賀知章 趙冬曦 庾子元

侯行果 韋述 敬會真 趙玄默 東方顯

季子釗 呂向 毋熨 陸去泰 咸廩業

余欽 孫季長 馮朝隱

右開元十八學士

張廷珪 張九齡 張休

右三張皆牧洪州唐明皇愛重九齡每宰相

薦士輒問曰風度得如九齡否

何東鄭從讜 鳳翔鄭畋

右二鄭以忠義稱

武元衡

伯蒼

武儒衡

右二衡舊傳贊曰平一辭榮鍾在二衡

司戶韋暹善判 司士李亘工書 司兵徐洪屬辭

右河東三絕薛元趙安撫河北時上表薦之

見唐書

陸餘慶 趙貞固 盧藏用 陳子昂 杜審言

宋之問 畢構 郭襲微 司馬承禎 釋懷一

右方外十反見唐書傳云餘慶才不逮子昂

等而風流敏辯過之方中宗朝倖臣亟貴驟

用而戮不反踵唯餘慶以道自將雖仕不赫

赫訖無悔尤

杜審言

李嶠

崔融

蘓味道

右文學四友見唐書

常臯

善裁

宋之問

詩善

右一臺二妙見唐書

賀知章

汝陽王李璣

讓帝子

李白

焦遂

李適之

崔宗之

蘇晉

張旭

右飲中八仙見唐書李白既供奉翰林猶與飲徒醉于市帝坐沈香亭子意有所感欲得白為樂章召入而白已醉左右以水頰面稍

解援筆成文婉麗精切無畱思帝愛其才數宴見白常侍帝醉使高力士脫鞵力士素貴恥之摘其詩以激揚貴妃帝欲官白妃輒沮止白自知不為親近所容益驚放不自脩與賀知章李適之汝陽王璣崔宗之蘇晉張旭焦遂為酒中八仙懇求還山帝賜金放還白浮遊四方嘗乘舟與崔宗之自采石至金陵着宮錦袍坐舟中旁若無人

李白歌詩

斐旻劍舞

張旭草書

右三絕見唐書史云旻嘗與幽州都督孫佺

北伐爲奚所圍旻舞刀立馬上矢四集皆迎
刀而斷旭自言始見公主擔夫爭道又聞鼓
吹而得筆法意觀倡公孫舞劍器得其神

孔巢父 韓準 裴政 張叔明 陶沔 李白

右竹溪六逸李白與五人居徂來山日沈飲
見唐傳巢父字弱翁孔子三十七世孫

包融 賀知章 張旭 張若虛

右吳中四士見唐劉晏傳

吏部侍郎許景先號州
大理卿源光裕鄭州

兵部侍郎寇泚宋州

禮部侍郎鄭溫琦邠州

大理少卿袁仁敬杭州

鴻臚少卿崔志廉襄州

衛尉少卿李昇期邢州

太僕少卿鄭放定州

國子司業蔣挺湖州

右衛將軍裴觀滄州

衛率崔誠遂州

右唐開元帝自擇刺史十一人詔宰相諸王

御史以上祖道維濱盛具奏太常帛舫水嬉
命高力士賜詩帝親書且給紙筆令自賦賚
絹三千遣之見唐書

盧綸

戶部郎中

吉中孚

戶部侍郎

韓翃

中書舍人

錢起

考功郎中

苗發

都官員外

司空曙

虞部郎中

崔峒

右補闕

耿漳

右拾遺

李端

杭州司馬

夏侯審

侍御史

右大曆十才子見唐文藝傳時有兩韓翃其一為刺史帝將擢為知制誥宰相奏孰與德

宗曰與詩人韓翃

楊憑

字虛愛

楊凝

字懋功

楊凌

字恭履

右大曆三楊見新唐書號州弘農人

李遜

友道

李建

杓直

右二李唐書贊曰二李英英

崔邠

崔鄴

崔郾

崔鄴

右四崔舊唐書贊曰四崔濟濟

張嘉真

張延賞

張弘靖

右三張三世宰相

張獻誠

張獻恭

張獻甫

右三獻舊唐贊曰軍謀臣節克紹家風

裴休

裴侁

裴儔

右三裴有盛名世謂休不如儔儔不如休
韋叔楷庫部韋叔謙考功韋季武主爵
右三列宿皆為郎中同省

蓋文達 蓋文懿

右二蓋以儒學稱

張符 趙璘 牛叢祖

右三諫臣唐宣宗曰諫臣舉職三人足矣

韋執誼 韓泰 韓曄

柳宗元 劉禹錫 陳諫

凌準 程畢

楊敬之 右八司馬皆王叔文之黨
字茂孝 楊戎 楊戴

右楊家三喜見楊憑傳史云敬之為太常少
卿是日二子戎戴登科

竇常 國子祭酒 竇牟 司業 竇羣 容管經略

竇庠 婺州刺史 竇鞏 武昌節度使

右五竇為叔向之五子見唐書

郭子儀 朔方 魯炆 淮西 李奐 興平 許叔冀 滑濮

李嗣業 鎮西 李廣琛 鄭蔡 崔光遠 河南

李光弼 河東 王思禮 關內

右唐九節度使

郭曜 郭旰 郭晞 郭晫

郭晫 郭暉 郭曙 郭映

右郭子儀八子皆貴顯朝廷其四子以才著諸孫數十不能盡識至問安但領之而已見

唐書

薛嵩 田承嗣 李懷仙 皆河北諸鎮節度使

右三帥見唐書僕固懷恩奏以史朝義降私請立之自為黨援

少保崔林 詹事崔珪 光祿崔瑤

右三戟崔家見唐書史云崔神慶之三子皆列戟祭其羣從數十人自興寧里入朝冠蓋駟哄相望每歲時宴于家以一榻置笏尚重積其上

崔造 韓會 虞車美 張正則

右四夔唐德宗時人少相為友以王佐自許見唐傳

王旭 李嵩 李全交

右三豹以苛酷立威嵩為赤全交為白旭為黑里閭至相詛曰若違教值三豹見唐酷吏

傳

富嘉謨 吳少微 魏谷倚

右北京三傑見唐文藝傳史云嘉謨少微文

本經術雅厚雄邁人爭慕之號吳富體

李紳公垂 李德裕文饒 元稹微之

右三俊見新唐書

胡景八十 吉旼八十 鄭據八十 劉貞八十

盧貞八十 張渾七十 狄兼謨年近七十 盧真年近七十

白居易七十

右香山九老皆高年不仕者人慕之繪為圖

見白居易傳一云有兩盧正

嵩山僧如滿為空門友 平原客韋楚為山水友

劉夢得為詩友 皇甫明之為酒友

右香山四友白居易自稱居士與四人翛然

自樂

孫德昭賜姓名 李繼昭 周承誨賜姓名 李繼誨 王彥範亦賜姓名 李

右三使相唐昭宗朝以三人留宿衛見唐紀

鄭遨 李道殷 羅隱之

右三高士遨耕田隱之賣藥以自給道殷有

釣魚術三人友善唐昭宗時見世亂遂入華

陰山中見唐書

烏承玳

右轅門二龍見唐書

李賀 李益

右二李賀樂府數十首流播管絃李益與賀齊名每一篇出樂人輒以重賂購之

徐鉉 徐錯

右二龍見南唐書時兄弟並為史官宋李穆嘗使江南見之歎曰二陸不能及也

廣羣輔錄卷之五

仁和徐汾武令著

李漢超屯關南 馬仁瑀守瀛州

韓令坤鎮常山 賀惟忠守易州

何繼筠鎮棣州 以距北鹵 郭進控西山

武守琪戍晉州 李謙傅守隰州

李繼勳鎮昭義 以禦北漢 趙贊屯延州

姚內贊守慶州 董遵誨屯環州

王彥昇守原州 馮繼業鎮靈州 以備西戍

右太祖將帥十四人見宋史

呂蒙正

聖功

李迪

復古

王曾

孝先

宋庠

公序

右龍首四人宋石楊休詩曰王朝四十三龍首身到黃扉止四人

王欽若

丁謂

林特

陳彭年

劉承珪

右五鬼姦邪儉偽時人目之見宋史

呂蒙正

聖功

呂夷簡

坦夫

呂公著

晦叔

右三呂世為宰相見宋史

種古

種諤

種諲

右三種為世衡之三子皆有將才關中稱之

見宋史新編

高懌

張堯

許勃

右種放南山三友

范純祐

天

范純仁

堯夫

范純禮

彛

范純粹

德孺

右四范為仲淹之子仲淹嘗自謂純仁得其

忠純禮得其靜純粹得其略見宋史

司馬光

文彥博

呂公著

呂大防

劉摯

范純仁

韓忠彥

曾布

梁燾

王巖叟

蘓轍

王存

鄭雍

傅堯俞

趙瞻

韓維

孫固

范百祿

胡宗愈

李清臣

劉奉世

范純禮

安燾

陸佃

黃履

張商英

蔣之奇

曾任宰臣執政
官二十七人

蘇軾

劉安世

范祖禹

朱光庭

姚勛

趙君錫

馬默

孔武仲

孔文仲

吳安持

錢勰

李之純

孫覺

鮮于侁

趙彥若

趙卨

王欽臣

孫升

李周

王汾

韓川

顧臨

賈易

呂希純

曾肇

王覲

范純粹

呂陶

王古

豐稷

張舜民

張問

楊畏

鄒浩

陳次升

謝文瓘

岑象求

周鼎

徐勣

路昌衡

董敦逸

上官均

葉濤

郭知章

楊康國

龔原

朱紱

葉祖洽

朱師服

曾任待制以上
官四十九人

秦觀

黃庭堅

晁補之

張耒

吳安詩

歐陽棐

劉唐老

王鞏

呂希哲

杜純

張保源

孔平仲

湯械

司馬康

宋保國

黃隱

畢仲游 常安民 汪衍 余爽

鄭俠 常立 程頤 唐義問

余卞 李格非 陳瓘 任伯雨

張庭堅 馬洵 孫諤 陳郭

朱光裔 蘇嘉 龔夫 王回

呂希績 吳儔 歐陽中立 尹材

葉伸 李茂直 吳處厚 李積中

商倚 陳祐 虞防 李祉

李深 李玄儀 范正中 曹蓋

楊琳 蘇昞 葛茂宗 劉謂

柴襄 洪羽 趙天祐 李新

衡鈞 充公適 洪伯藥 周諗

孫琮 范柔中 鄧考甫 王心

趙岫 封覺民 胡端脩 李傑

李黃 趙令畸 郭執中 石芳

金極 高公應 安信之 張集

黃策 吳安遜 周永徽 高漸

張夙 鮮于綽 呂諒卿 王貫

朱紘 吳朋 梁安國 王古

蘓迥 檀固 何大受 王箴

鹿敏求 江公望 曾紆 高士育

鄧忠臣 种師極 韓治 都貺

秦希甫 錢景祥 周緯 何大正

呂彥祖 梁寬 沈千 曹興宗

羅鼎臣 劉勃 王極 黃安期

陳師錫 于肇 黃遷 莫俠

許堯輔 楊肱 胡良 梅君前

寇宗顏 張居 李脩 逢純熙

高遵恪 黃才 曹盥 侯顯道

周遵道 林膚 葛輝 宋壽岳

王公彥 王交 張溥 許安脩

劉吉甫 胡潛 董祥 楊懷寶

倪直孺 蔣津 王守 鄧元中

梁俊民 王陽 張裕 陸表民

葉世英 謝潛 陳唐 劉經國

扈充 張恕 陳弁 洪芻

周諤 蕭利 趙鉞 滕友

江洵 方适 許端卿 李昭玘

向紉 陳察 鍾正甫 高茂華

楊彥璋 廖正一 李夷行 彭醇

梁士能 餘官一百七十七人

張弼

李備

王獻可

胡田

馬諗

王履

趙希夷

任濬

郭子旂

錢盛

趙希德

王長民

李冰

王庭

吉師雄

李愚

吳休復

崔昌符

潘滋

高士權

李嘉亮

李琬

劉延肇

姚雄

李基

武臣二十五人

梁惟簡

陳衍

張士良

梁知新

李倬

譚辰

竇鉞

趙約

黃卿從

馮說

曾燾

蘇舜民

楊偁

梁弼

陳恂

張茂則

張琳

裴彥臣

李偁

閻守勲

王紱

李穆

蔡克明

王化基

王道

鄧世昌

鄭居簡

張怙

內臣二十八人

王珪

章惇

為臣不忠曾任宰相二人

右元祐三百八人徽宗時擢用蔡京目司馬光等為黨籍刻石于端禮門見宋史

程顥

鄆縣簿

張山甫

武功簿

朱光庭

萬年簿

右關中三傑

王安石

介甫

王安國

平甫

王安禮

和甫

右三王見宋史

劉絢

質夫

李籲

端伯

右程門初進二子見伊洛淵源錄

呂大臨

與叔

謝良佐

顯道

游酢

定夫

楊時

中立

右程門四子見伊洛淵源錄

張繹

思叔

尹焞

彥明

右程門晚得二士見伊洛淵源錄

陳師錫

陳瓘

右二陳見宋史時以同彈京下稱之

孤山法師

知圓

處士林逋

和靖

慈雲懺主

遵式

右三人友善孤山一號中庸子嘗自作祭文

挽詩三日而滅景祐中啓塔爪髮俱長唇紅

微開齒如珂雪

司馬光

韓維

呂公著

蘇頌

孫覺

李常

范純仁

蘇軾

曾鞏

孫洙

王存

顧臨

林希

李師中

傅堯俞

胡宗愈

王安國

劉摯

虞太熙

程顥

劉載

薛昌期

張載

蘇轍

孔文仲

吳賁

吳恕

林英

孫奕

林旦

鄒何

唐垌

鄭俠

右宋熙寧間陳襄所薦三十三人

范仲淹 韓琦 杜衍 富弼

右四賢歐陽修目衍清捷而守規矩仲淹恢廓自信而不疑韓琦純正而質直富弼明敏而果銳

蘇子瞻 軾 秦少游 觀 王晉卿

陳碧虛 李端叔 之儼 米元章 芾

蔡天啓 肇 王仲至 蘇子由 轍

劉巨濟 涇 黃魯直 庭堅 圓通大師

李伯時 公麟 晁無咎 補之 張文潛 耒

鄭靖老

右西園十有六人李伯時作圖而米芾為之記其烏帽黃道服援筆而書者為東坡先生仙桃巾紫裘而坐觀者為王晉卿幅巾青衣據方機而凝竚為丹陽蔡天啓捉椅而視者為李端叔後有女奴雲鬟翠飾侍立自然富貴風韻乃晉卿之家姬也道帽紫衣右手倚石左手執卷而觀書者為蘇子由團巾繭衣手秉焦筴而熟視者為黃魯直幅巾野褐據橫卷畫淵明歸去來者為李伯時披巾青服

撫肩而立者爲晁無咎跪而捉石觀畫者爲張文潛道巾素衣按膝而俯視者爲鄭靖老後有童子執靈壽杖而立又幅巾青衣袖于側聽者爲秦少游琴尾冠紫道服摘玩者爲陳碧虛唐巾深衣昂首而題石者爲米元章袖手而仰觀者爲王仲至前有髻頭頑童捧古硯而立後有錦石橋竹逕繚繞于青溪深處翠陰茂密中有袈裟坐蒲團而說無生論者爲圓通大師旁有幅巾褐衣而諦聽者爲劉巨濟

龔夫 龔大壯

右兩龔見宋史方章惇蔡卞用事夫極論其惡大壯爲夫之弟少有重名清介自立從兄官河陽曾布欲見之不可得乃往謁夫邀之出從容竟日題詩壁間有得見兩龔之語

孫逢吉 孫逢年 孫逢光

右孫氏三龍皆有文行見宋史

孔文仲 孔武仲 孔平仲

經父

常父

義父

右三孔見宋史兄弟並以文聲起江西紹述目爲元祐黨

黃庭堅 魯直 秦觀 少游 張耒 文潛 晁補之 無咎

右宋四學士皆遊蘇軾之門陳無已云蘇公之門客四人

蘇軾 子瞻 蘇轍 子由

右眉山二蘇見蘇氏譜

宋敏 次道 蘇頌 子容 李大臨 元才

右熙寧三舍人見宋史宋神宗時彈李定不

繇銓考隳紊法制金落職

劉放 放彈士子阿時之策以反呂惠卿論新法不便以詆王安石

劉敞 敞不諂張妃典禮不容宦官當柄

劉奉世 奉世不合蔡確章惇

右三劉才名相埒見宋史

程頤為洛黨領袖 蘇軾為蜀黨領袖

劉摯為朔黨領袖

右元祐三黨見宋史

富弼 七十 文彥博 七十 席汝言 七十

王尚恭 七十 趙丙 七十 劉幾 七十

馮行己 七十 楚建中 七十 王慎言 七十

張問 七十 張燾 七十 司馬光 未七十

右雒陽耆英十二人見宋史文彥博傳云與

富弼司馬光等追白居易九老故事好事者莫不慕之文生八子皆歷要官

黃琮 陳麟 翁谷

右閩中三循吏見福州志

程顥 伯淳 程頤 正叔

右二程子講學于熙豐之際見宋史

謝洪 謝澤

右二鳳見柳州府志

宋庠 公序元憲公 宋祁 子京景文公

右二宋以大小別之見宋史

曾鞏 子固 曾布 子宣 曾肇 子開

右三曾見宋史

林敏功 子仁 林敏脩 子來

右二林以詩賦相友善累辟不就

王十朋 龜齡 馮方 圓仲 胡憲 原仲 查籥 元章 李浩 德遠

右五賢紹興中太學以詩美之見宋史

竇儀 端明學士 竇儼 禮部侍郎 竇侃 起居郎

竇偁 參知政事 竇僖 補闕

右五竇為馮鈞之五子見宋史

張好問 八十 李運 年八 宋琪 武元成 皆七

僧贊寧 年七十八 魏丕 年七十六 楊徵之 年七十五 朱昂

李昉 皆七十一

右至道九老

張俊 伯英 韓世忠 良臣 劉錡 信叔 岳飛 鵬舉

右四將見宋史並為名將世稱張韓劉岳俊嘗與錡有隙獨以楊沂中為腹心故有濠梁之敗岳飛冤獄韓世忠救之俊獨助檜成其事帝于諸將眷俊特厚

苗傅 劉正彥

右二凶見宋史建炎中同叛韓世忠討平之

靳王韓世忠 鄜王劉光世 平叔 循王張俊

鄂王岳飛 和王楊存中 正甫 濟王吳玠 晉卿

信王吳璘 唐卿

右七王為宋中興將

洪邁 洪适

右三洪為皓之子見宋史

徐林 雅山 徐兢 明步 徐琛 頌山

右三將軍宋建炎中扈蹕南渡禦金灰于陣

中天子高其義命葬嶼嶸山迄今廟祀不絕

傳曰兄弟三人埋馬力戰而亡見鑑山徐氏

家乘

汪藻 胡伸

右江左二寶

趙汝愚

留正

王藺

周必大 宰執四人

朱熹

徐誼

彭龜年

陳傅良

薛叔似

章穎

鄭湜

樓鑰

林大中

黃由

黃黼

何異

孫逢吉

待制以上十三人

劉光祖

呂祖儉

葉適

楊方

項安世

李惠

沈有開

曾三聘

游仲鴻

吳獵

李祥

楊簡

趙汝談

趙汝讜

陳峴

范仲黼

王逵

孫元卿

袁燮

陳武

田澹

黃度

張體仁

蔡幼學

黃灝

周南

吳柔勝

王厚之

孟浩

趙鞏

白炎震

餘官三十一人

皇甫斌

范仲任

張致遠

武臣三人

楊宏中

周端朝

張衡

林仲麟

蔣傅

徐範

蔡元定

呂祖泰

士子八人

右五十九人宋寧宗時以知綿州王沆奏詔

省部籍偽學姓名見宋史

徐範 林仲麟 張衡 蔣傳 周端朝 楊宏中

右六君子見宋史時韓侂胄柄國六人上書

為趙汝愚訟冤直彈李沐被斥天下稱之

韓綜仲文 韓絳子華 韓維持國 韓縝玉汝

右四韓為尚書左丞億之子見宋書綜知制

誥三弟皆位公府

劉元高 姚勉 吳仲雲

右高安三俊見宋史

梁成大 莫澤 李知孝

右皆諂事史彌遠名人賢士排斥殆盡世日

為三凶見宋史

陳襄述古 周希孟公關 陳烈季慈 鄭穆閔中

右海濱四先生見宋史

薛極 胡榘 聶子述 趙汝述

右四木附史彌遠用事

陸九齡 陸九淵

右二陸見宋史

陳宐中 黃鏞 林則祖 曾唯

劉黻 陳宗皆太學生

右六君子宋理宗時彈丁大全被謫士論翕然稱之見宋史

李元中 李公麟 李亮工 皆懷寧人

右龍眠三李元中書翰倣鍾王與公麟亮工同第

楊孝本 李存

右崆峒二老

耶律官奴 歐里蕭哇

右二逸見遼史遼重熙間以官奴為義軍節度使輒請致政與歐里部人蕭哇友善蕭謂

官奴曰仕不能致主澤民成大功烈何屑屑為也吾與若居林下以枕簟自隨觴咏自樂雖不官無慊焉官奴然之

柳貫 虞集 揭傒斯 黃潛

右四傑見元史柳貫官翰林待制與三子齊名揭傒斯同歐陽玄撰宋遼金三史

木華黎 博爾朮 博爾忽 赤老溫

右元四傑皆忠勇事太祖謂之輟里班

李黼 秦不花 李齊

右大科三魁見元史順帝時秦州張士誠兵

起命知府李齊說降不屈張使齊跪齊叱曰
吾膝如鐵豈為賊屈張怒使曳倒槌碎其膝
而丹之

黃公望

子久

倪瓚

元鎮

吳仲珪

一號梅道人

王蒙

叔明

右元四子以畫名至正初天下無事瓚盡鬻
其家產得錢盡推與知舊人竊笑之及兵起
富兒皆被剽掠倪獨扁舟載笠往來湖泖間
人始服其前識也叔明畫山水師巨然得外
氏法子久一稱大癡詩宗晚唐畫本關仝仲

珪自號梅花和尚

玉山主者顧瑛

鐵笛道人楊維禎

野航道人姚文奐

茗谿漁者鄭昭

吳門李立

張渥

顧晉

匡廬山人于立

顧元臣

句曲外史張伯雨

永嘉徵君李孝光

東海倪瓚

天台陳基

右玉山雅集十有三人張渥用李龍眠筆意
作圖楊維禎為記云至正戊子二月十九日

集

元宋年誠夫与弟聚頭夫其學廢名心魏二宋程端禮故此与弟端學時時俱以道學著名心魏二程聚管輯國朝風雅見揭執死岳英華序此出後

廣羣輔錄卷之六

仁和徐汾武令著

中山王徐達字天德

鳳陽人

開平王常遇春字伯仁

懷遠人

岐陽王李文忠字思本

盱眙人

寧河王鄧愈

虹縣人

東甌王湯和字鼎臣

濠人

黔寧王沐英

定遠人

右明初六王見洪武功臣傳

徐達

湯和

吳良

吳禎

花雲

陳德

顧時 費聚 耿再成 耿炳文 唐勝宗

陸仲亨 華雲龍 鄭遇春 郭興 郭英

胡海 張龍 陳桓 謝成 李新材

張赫 周銓 周德興

右明初二十四人南略定遠見洪武十四年

紀

楊維禎

浙江儒學提舉

沈夢麟

武康尹

滕克恭

翰林學士

右明初三老皆元遺臣不肯屈節出仕楊年

七十六沈年九十三滕年百歲有餘

長洲高啟

季廸

吳郡楊基

孟載

烏程張羽

來儀

姑蘇徐賁

文幼

右明初四家同有詩名而啟為之冠

浦江宋濂

龍泉章溢

青田劉基

麗水葉琛

右四賢明太祖以書幣徵之至建康喜云我

為天下屈四先生見通紀

丁曾郎

張志雄

韓成

宋貴

陳兆先

余旭昌

文貴

王勝

李信

陳弼

劉義

徐公輔

李志高

王峻住

姜潤

石明

王德

朱鼎

王清

常德勝

王鳳顯

丁宇

王仁

汪澤

王理

陳冲

裴幹

王喜仙

袁華

史德勝

常推德

曹信

逯德山

鄭興

羅世榮

右鄱陽湖戰死三十五人明太祖建祠于康

郎山見洪武紀事

趙德勝

李繼先

劉齊

朱叔華

許圭

朱潛

牛海龍

張子明

張德山

徐明

夏茂成

萬思誠

葉琛

趙天麟

右明初忠臣十四人明太祖建祠于南昌府

見洪武紀事

樂清朱希晦

四明吳主一

簫臺趙彥銘

右雁山三老國初召希晦至京師授以官不

就歸道衣短策游咏林壑有先民之遺風

周祠部玄

之微

黃學博玄

之玄

右二玄福清人皆師事林鴻明初閩人言詩

者皆本鴻林敏陳仲宏鄭闕林伯璟張友謙

趙廸諸人皆鴻之弟子見列朝詩傳

鐺績

王誼

鄭嘉

李昂

右山陰四子明初人昂自少好與文士游後同鐳績王諒鄭嘉遂成名儒時人稱鐳王鄭李見列朝詩傳

浦江宋濂 義烏王禕

右浙東二儒者明太祖見禕進平江頌喜曰浙東有二儒者卿與宋濂學問之博卿不如濂才思之雄濂不如卿

永嘉余堯臣唐卿 無錫呂敏志學 吳下宋克仲温

昆山陳則文度 長洲高啟季迪 潯陽張羽來儀

毗陵徐賁文幼 河南高遜志士敏 北郭王行止仲止

會稽唐肅處仲

右北郭十友見列朝詩傳

兵部尚書茹瑞 吏部侍郎蹇義

戶部侍郎夏原吉 兵部侍郎劉儵

侍郎古朴 侍郎劉季篋 大理寺卿薛嵒

翰林董倫 侍講王景 脩撰胡靖

脩撰李貫 編脩吳溥 編脩楊榮

編脩楊溥 傅書黃淮 傅書芮善

待詔解縉 給事金幼孜 給事胡濙

郎中方賓 員外宋禮 助教王達 助教鄒緝

吳府審理副楊士奇 桐城知縣胡儼

右靖難後迎附勸進二十五人見燕皇紀事

兵部侍郎廖平 襄陽人 刑部侍郎金焦 貴池人

刑部郎中梁田玉 定海人 編脩趙天泰 三原人

檢討程亨 澤州人 御史葉希賢 松陽人

觀察王良 祥符人 參政蔡運 南康人

御史程濟 績谿人 中書舍人梁良玉 定海人

中書梁中節 定海人 中書宋和 臨川人

中書郭節 連州人 刑部司務馮漼 黃巖人

鎮撫牛景先 沅人 鎮撫王資 杞縣人

鎮撫楊應能 杞縣人 鎮撫劉仲 杞縣人

翰林待詔鄭洽 浦江人 欽天監正王之臣 襄陽人

太監周恕 和州人 徐王府賓輔史彬 吳江人

右遜國從亡二十二人見建文遺事楊應能

葉希賢俱稱比丘程濟稱道人往來道路給

運衣食者六人馮漼時稱塞馬先生時稱馮

翁時稱馬公時稱馬二子郭節時稱雪菴後

稱雪和尚宋和時稱雲門僧時稱稽山主人

時稱槎主趙天泰適衣葛卽稱衣葛翁時稱

天肖子王之臣家世補鍋欲以作生計號老

補鍋牛景先號東湖樵夫亦稱東湖主人

長興吳琬安人劉麟金陵龍電

關西孫一元歸安陸崑

右吳興五隱見浙西名賢錄吳琬築室董塢與四人結友湖南

龍文 章謹 李滄 梁棨 黃平

陳韶 田鈞 李蒲 王鑑 朱奎

袁和 林同 柴同恩 張承翰 陳康

龔理 相佐 黃興 李柰 王佐

鄭觀 胡如暘 趙象 蔣榮祖

右二十四人乙榜年少質美者成祖皆舉入國子監為庶吉士亦曠典也見成祖日錄

解縉 楊相 劉子欽 彭汝器 王英

王直 余鼎 章敞 王訓 柴廣

盧翰 湯流 李時勉 段民 倪惟哲

袁天祿 吾紳 楊勉 曾棨 周逮

周孟簡 杜欽 王惟正 鄭慶 周玉

羅亨信 張伺 周忱

右成祖召入文淵閣肄業時人謂之二十八宿進士周忱自陳年少願進學上曰有志之

士命增入之弇州史攷云是科自曾際等三名外得留者僅王英王直二人而登八座者亦僅二王及周忱耳李時勉已授官而復入者見孤樹褒談

蔣忠

蘇平

沈愚

錕溥

湯胤績

蘇正

晏鐸

王淮

蔣孝

一作王孝字務本

王貞慶

一作徐震叔重

右景泰十才子見列朝詩傳別本又有李進姚綸陳顥錢虞山曰戚里王貞慶善甫者為金粟公子

李東陽

賓之

謝遷

于喬

劉健

希賢

右弘治朝三人同心輔政時人語曰李公謀劉公斷謝公尤侃侃

金琮

元玉

史忠

廷直

右二隱盛仲交嘗集史元玉及史癡翁詩題曰金陵二隱金丹陽道中云丹霞推日出陰壑帶水流盛所亟賞也

徐霖

子仁

謝承舉

子象

右金陵二才子顧華玉嘗目之曰徐詩清婉學西厓謝詩沉雅學白沙

胡世寧 王守仁 孫燧

右三人同舉弘治壬子浙中鄉薦曾聞夜半時有巨人文場東西立大言曰三人好作事已忽不見後宸濠謀叛胡發其奸孫死于難而王卒削平之見續藏書

莆田林俊 待用 雲南楊一清 應寧

右胡世寧所薦二人嘗目之曰俊雖執古時俗或不之喜然守正之清真宋璟也一清雖諸俗士論或不之歸然濟變之才真姚崇也見續藏書

楊士奇 楊榮 楊溥 張輔 胡濙

右宣德五臣張太后謂先帝所簡貽英阜者見正統目錄

楊士奇 楊榮 楊溥

右三楊學士見宣德紀正統中文貞為西楊文敏為東楊因居第別之文定郡望每稱南郡世遂謂南郡西楊有相才東楊有相業南楊有相度

黃巖王佐 海寧徐寬 松江陳章 華亭侯直

黃巖王弼 吳江趙寬 青山楊君謙

右詩友七人見明詩紀

章懋懋德

黃仲昭未軒

莊景暘孟暘

羅倫一峰

右翰林四諫見理學名臣傳成化丁亥上以元宵張燈命內閣分題令侍從諸臣賦詩時編脩章公懋莊公景檢討黃公仲昭上培養聖德疏言過切直上怒杖之闕下皆謫補外時稱三君子先是脩撰羅公倫上疏論閣臣李賢不奔喪被謫直聲震朝野久之章懋等繼之

羅一峰倫 羅達夫洪先 羅近谿汝芳

右江西三羅見弇州史料

徐博士禎卿詩 祝京兆希哲書 沈山人啟南畫

右吳中三絕見弇州卮言

孫衍 張弘 徐咸

右先後為襄陽太守均有懿政世目為三高

見廖鳴吾楚紀

顧璘 陳沂 王韋

右金陵三俊

王恕宗貫 馬文升負圖 劉大夏時雍

右弘治三臣

尚書顧璘華玉 司空劉麟元瑞 廸功徐禎卿昌穀

右江東三才見上元縣志劉麟一作朱應登

升之詳史料

王瓊晉溪太原人 王雲鳳虎谷和順人

喬宇白巖樂平人

右晉中三傑見蓉塘詩紀說者謂虎谷廉靖

過晉溪剛方踰白巖

長洲徐禎卿昌穀 歷城邊貢廷實

信陽何景明仲默 慶陽李夢陽獻吉

武功康海德涵 鄂杜王九思敬夫

儀封王廷相子衡

右前七子獻吉與仲默齊名世稱何李

靈臺楊重 長安李錦 武功康鏞

右關內三才見李夢陽集中鏞字振遠一稱

長公

尚書韓邦奇 叅議韓邦靖汝慶

右關中二韓子汝慶才藻爛發風節凜然先

卒邦奇為弟立傳謂其友樊恕夫曰世安有

司馬遷闕漢卿能為吾寫痛弟之情乎

馬永成 高鳳 羅祥 魏彬

丘聚 谷大用 張永 劉瑾

右正德中內侍為狗馬鷹犬歌舞角觝以娛

帝意時人目為八虎見明中官考

濟南李攀龍于鱗 興化宗臣子相

番禺梁有譽公實 臨清謝榛茂秦

長興徐中行子與 太倉王世貞元美

興國吳國倫明卿

右嘉隆七子明卿內史茂秦山人其餘五子

同官刑曹一時有白雲樓唱和詩

南大理寺卿王世貞與弟陝西督學世懋

南禮部侍郎王錫爵與弟河南督學鼎爵

右太倉四王見鳳洲自記

張學士璧 張學士治

右湖廣二張皆嘉靖時人

孫枝思泉 許嶽少崖 顧言西崖 吳遵晦桂軒

趙應元望雲 胡孝順所 金階蓮峰 柴祥醴泉

嚴大紀順庵 呂元葵陽

右湖山十友皆嘉隆間名卿人士歲時選勝

觴咏湖山比諸香山洛下一時稱賞見靈隱

志

許應元 許應亨

右二許杭州人以文名聞之故老

四明屠隆 長卿一字緯真 蘭溪胡應麟元瑞

京山李維禎本寧 吳門王穉登百穀

太倉王世懋敬美 大名盧楠次梗

新安汪道昆伯玉

右後七子

馮惟律 馮惟敏 馮惟訥

右兄弟齊名魯王孫目為三馮見臨胸志

楊繼盛 楊最 楊爵

右後三楊在肅皇時交疏最直世亦以三楊

目之弇州史料曰諸楊得禍皆慘爵獲終牖

下其後同贈官祭而爵獨缺諡亦可哀已

王子約善繪竹 徐良善畫梅 徐舜舉善草隸

右蘭溪三絕見金華志

黃魯曾 黃省曾 王守 王寵

皇甫冲 皇甫汈 皇甫濂 皇甫涪

右吳中八人咸有才名時人為之語曰黃家

二龍王氏雙壁皇甫四傑鳳毛鸞翼見蘓州

志

崑崙山人張詩 五嶽山人黃省曾

憨泉山人袁昭賜 雨舟王濟

時川姜龍 桃谷陸俸

陽山湯儒 石川張寰

大石山人顧元慶 謝湖袁聚

嵩山徐伯虬昌穀之子 九峻顧聞

少溪王延陵 青門山人沈仕

右嘉靖今兩瑤華十有四人 岳岱目日珠璧

圓融并為序 贊見列朝詩傳

晉江王慎中道思 毘陵唐順之應德 慈谿陳束約之

丹徒呂高甫山 平涼趙時春景仁 富順熊遇叔仁

章丘李開先伯華 南克任瀚少海

右嘉靖初八才子見呂少卿高傳

章丘李開先伯華 樂安李舜臣懋欽

右二李見列朝詩傳

張瀚元洲 張濂澤山

右仁和二張張氏譜曰澤山出撫真定嚴嵩

以不附已憾之將中危法竟拂簪去時年四

十自額其堂曰不惑後嚴又欲私致之遣鄢

茂卿喻意駟屏騶從到門終不一見鄢反命

嚴曰此老崛強猶昔

王懋明

華察

姚舜咨

施漸

右錫山四友初姚舜咨隱居錫山與三人相

善

張助甫

九

張肖甫

佳胤

余德甫

應舉

右三甫王元美嘗稱之曰吾黨有三甫益以

魏裳汪道昆為後五子

齊為元詩教韓浚

楚為官應震吳亮嗣

浙為劉廷元姚宗文

右三方鼎峙聞之故老神宗中有齊楚浙三

方之名

無錫顧憲成

南樂魏允中

漳浦劉庭蘭

右三君皆解元同舉萬曆庚辰進士官於京

師以道義相琢磨時稱三解元江陵相聞而

惡之謂申相國時行曰貴門生有三元會公

知之乎

虞淳熙

德園

虞淳貞

鹿園

右杭州二虞並以文名與袁宏道湯賓尹友

善聞之故老

松陵王叔承

初名光胤一字承父

吳門王穉登

百穀

鄞縣沈明臣嘉則

右萬曆間三山人以布衣豪于詩者聞之故老

顧考功憲成叔時 高大行攀龍雲從 劉兵部元珍木孺

安驗封希范我素 顧儀制允成季時

右東林起事五先生皆無錫人故有楊龜山

東林書院顧高諸人修復之與三吳士大夫

論學其中於是東林之名滿天下世遂目為

東林

上海顧仲韓 華亭莫廷韓

右雲間二韓皆秦川貴公子風流文彩人以稱之

袁庶子宗道伯修 袁稽勳宏道中郎 袁儀部中道小修

右公安三袁並有文名

張鳳翼伯起 張獻翼幼干 張燕翼叔貽

右長洲三張並有才名吳人語曰前有四皇後有三張四皇謂皇甫子循兄弟也巳載于

前

松園詩老程嘉燧孟陽 婁貢士堅子柔

唐處士時升叔達

右練川三老見婁貢士傳程本休寧人流寓

嚳城一作嘉定四先生而李長蘅亦與焉

楊漣

魏大中

袁化中

周朝瑞

顧大章
左光斗

右乙丑歲璫難者六君子見通紀

高攀龍

周啟元

繆昌期

周順昌

周宗建

黃尊素

右丙寅歲璫難者六君子見通紀

嘉定李流芳

長蘅

景陵譚元春

友夏

江陰黃毓祺

介子

餘杭嚴調御

印持

西安方應祥

孟旋

虞山王宇春

季和

餘杭嚴武順

忍公一
名敏

仁和鄒之嶧

孟陽

江陰黃毓初

錫餘即介
子之弟

莆陽宋珏

比玉

仁和聞啟祥

子將

嘉定汪明際

無際

餘杭嚴

無
救

右三嚴十友皆有文名嘗觴咏湖曲作月會

之遊嚴氏與鄒聞五人始舉斯集餘八子素

與友善遙相繼焉未幾方李先亡聞孝廉悲

云與方孟旋談名理如逸少之值支公披襟

解帶留連不已與李長蘅論詩文亦復如是

至觀李作畫淋漓盤薄意外生奇便如陳王

遇洛神直欲忘反兩君已矣斯樂可再得耶
 言罷欷歔不覺流涕印持忍公均工書法一
 時競目之曰大嚴適勁小嚴妍美張天如亦
 為傳曰一門濟濟嚴高兄弟高為印持小字
 也忍公一稱餘人晚年益喜閒適卜築西溪
 為槿籬竹迳栽菊其中每風日晴好輒曳槩
 扶筇與樵童漁父行歌蕩然有遺世之樂嚴
 氏世譜日子將死時正大嚴六十為之痛絕
 不舉觴已而印持忍公歿無救方七十凄然
 不樂特購謝彬繪寫長居東頭叔季據左龐

肴皓髮語笑如生署曰嚴氏三老圖懸于中
 庭又云三嚴與徐大赤行忠臥仲行恕諸公
 為古六逸社歌嘯風流至今可想

顏佩韋 楊念如 馬杰 沈楊 周文元

右虎丘五人墓天啓中周順昌被逮至京有
 旨捕殺官旗者密將首惡正法而蘓人顏佩
 韋五人慨然身出就刑竟無他及百姓義之
 爭收葬于虎丘山下懷宗卽位郡守始上疏
 旌之見張溥七錄齋集

臨川令張采 受先 庶吉士張溥 天如

右婁東二張聞之故老

章世純力大 艾南英子千 羅萬藻文止 陳際泰士大

右臨川四子金有著述

李雯章舒 陳子龍子師 宋徵輿文轅

右雲間三子

杜麟徵仁趾 陳子龍原字人中 周立勳勒

夏允彝仲彝 徐孚遠公闇 彭賓又燕

右六子雲間人

陸鳴勳夢鶴後名運昌 陸鳴時夢明 陸鳴燧夢文

右錢唐三陸後先以科第顯夢鶴有子並以

文名培登進士抗節而死

皇朝通志

卷之六

圖



